

四庫全書

子部

欽定四庫全書

玉海卷七十八

宋 王應麟 撰

車服

車服制度

周車服制度 周宮室車服制

周書序車服制度民不苟踰作器服周道於焉大備

器服解第七十

文多殘闕

食器甒參笙一竽皆素桃枝素獨

蒲簾席皆素斧巾玄纁綏編冠素紕玄冠組武卷組纓
象珙纁璊絺紳帶象玦云云布獨巾玄象玄紕 周禮
大司徒十二教其九曰以度教節則民知足注度謂宮
室車服之制疏謂若典命云上公九命國家宮室車旗
衣服禮儀及侯伯子男以下各依命數是其制度也

小宗伯掌衣服車旗宮室之賞賜

其制見
大行人

典命掌諸

侯五儀諸臣五等之命上公九命為伯國家宮室車旗
衣服禮儀皆以九為節侯伯七命其國家宮室車旗衣

服禮儀皆以七為節子男五命其國家宮室車旗衣服
禮儀皆以五為節王之三公八命其卿六命大夫四命
國家宮室車旗衣服禮儀亦如之公之孤四命其卿三
命大夫再命士一命侯伯卿大夫士如之子男之卿再
命大夫一命其士不命各眡其命之數注國家謂城公
城方九里宮方九百步侯伯城七里宮七百步子男城
五里宮五百步 巾車服車五乘孤乘夏篆卿乘夏縵
大夫墨車士棧車庶人役車 司服公之服自衮冕而

下如王之服侯伯服自鷩冕下如公子男自毳冕下如
侯伯孤自希冕下如子男卿大夫自玄冕下如孤士之
服自皮弁下如大夫 大行人上公冕服九章建常九

旂樊纓九就貳車九乘侯伯冕服七章建常七旂樊纓
七就貳車七乘子男冕服五章建常五旂樊纓五就貳
車五乘 司約治器之約注謂禮樂車服所得用 書

舜典車服以庸

又益稷注以
功大小為差

覲禮天子賜侯氏以車

服注賜車者同姓金路異姓象路服則衮鷩毳 周官

五服車旗宮室之禁則小宗伯辨之衣服宮室車旗禁令則家宗人掌之宮室衣服禮儀則典命掌之

周車服 周五等車服

月令注凡此車馬衣服皆所取於殷時而有變焉非周制也周禮朝祀戎獵車服各以其事不以四時為異疏虞夏之制有日月星辰十二章之服周之制朝祀戎獵車服各有殊今此下與周禮不同上與虞夏又異故云取殷時殷乘木路此乘鸞路不純用殷故云而有變焉

謂變殷而乘虞路也周禮朝則皮弁服祀則六冕服戎則韋弁服田獵冠弁服朝乘象路祀乘玉戎乘革獵乘木路不以四時為異也 郊特牲正義周武王尚文物

車服之屬而得民心周人尚輿是也 宋志周制五等

車服相涉公降王者一等而已 選注尚書大傳曰未

命為士車不得有飛鈴又曰不得朱軒鄭玄曰如今憲

車 漢書先王車服之制各有差品小不得僭大賤不

得踰貴故上下序民志定 詩都人士正義書傳云古

者必有命民得乘飾車駢馬衣文錦 周禮疏案唐傳
云古之帝王必有命民於其君得命然後得乘飾車駢
馬衣文錦

仲尼車服禮器 魯孔氏車

孔子世家太史公曰適魯觀仲尼廟堂車服禮器余低

回不能去

世家曰所居堂後世因
廟藏孔子衣冠琴車書

東平王傳章帝建

初三年賜蒼及琅邪王京書今魯國孔氏尚有仲尼車
輿冠履明德盛者光靈遠也注孔子廟在魯曲阜城中

伍緝之從西征記曰魯人藏孔子所乘車廟中是顏路

所請者 郡國志注漢晉春秋鍾離意相魯治孔子廟

同觀輿服在焉

意別傳曰意省堂有孔子小車乘昏朽敗意治之及護几杖劍屨後得甕中素

書曰護吾屨鍾離意又見意傳注

前儒林傳魯諸儒持孔氏之禮器

往歸陳王

漢長吏車服令

景紀中六年五月詔曰吏者民之師也車駕衣服宜稱吏六百石以上皆長吏也或不吏服出入閭里與民無

異令長吏二千石車朱兩轡千石至六百石車朱左轡
取騎從者不稱其官衣服下吏出入閭巷無吏體者二

千石上其官屬三輔舉不如法令者皆上丞相御史請

之

先是吏多軍力車服尚輕故
為設禁時未有三輔紀誤

鮑宣傳哀帝初遷豫

州牧司直郭欽奏宣行部乘傳去法駕駕一馬舍宿鄉

亭為象所非宣坐免

陳遵傳遵為河南太守司直陳

崇劾遵乘藩車入門巷差汙印鞞

西漢之俗樂易有餘
節廉不足觀陳遵之

事至季世俗
尚未改也

後方術傳謝夷吾行春乘柴車從兩吏

冀州刺史上其儀序失中有損國典 班固叙傳注國
家不設車旗衣服之禁 後漢志注謝承書曰州別駕
從事車前舊有屏星如刺史車曲翳儀式刺史欲去別
駕車屏星孔恂諫曰毀國舊儀即投傳去

漢天漢輿服制

通典武帝天漢四年始定輿服之制郊祀所乘謂之大
駕車千乘騎萬匹其儀甚盛 續輿服志秦并天下覽
其輿服上選以供御次以錫百官景帝中元五年始詔

六百石施車轡得銅五末輓有吉陽簞中二千石以上
右駢三百石以上皂布蓋千石以上皂繒覆蓋二百石
以上白布蓋皆有四維杠衣賈人不得乘馬車除吏赤
畫杠餘皆青云注古今注曰武帝天漢四年令諸侯王
大國朱輪特虎居前左兕右麋小國朱輪畫特熊居前
寢麋居左右又見甘泉鹵簿晉輿服志云云齊輿服志漢
武天漢四年朝諸侯甘泉宮定輿服制班於天下成
紀永始四年六月甲午詔曰聖王明禮制以序尊卑異

車服以章有德今公卿列侯親屬近臣車服過制其申
敕有司以漸禁之青綠民所常服且勿止列侯近臣各
自省改 平紀元始三年夏奏車服制度 西域傳龜
茲王樂漢衣服制度歸其國治宮室作徼道周衛出入
傳呼撞鍾鼓如漢家儀

漢永平車服制度 車服科品

帝紀明帝永平二年春正月辛未宗祀光武皇帝於明
堂帝及公卿列侯始服冠冕衣裳玉佩紵屨以行事十

二年五月丙辰詔曰車服制度恣極耳目田荒不耕游

食者衆有司其申明科禁宜於今者宣下郡國

高紀八年春三

月令爵非公乘以上毋得冠劉氏冠賈人毋得衣錦繡綺縠絺紵罰操兵乘騎馬注乘駕車也

章帝

建初二年三月辛丑詔曰貴戚近親奢縱無度今自三

公並宜明糾非法其科條制度所宜施行在事者備為

之禁先京師而後諸夏 安帝永初元年九月庚午詔

三公申明舊令禁奢侈無作浮巧之物元初五年七月

丙子詔曰舊令制度各有科品欲令百姓務崇節約而

小人嫁娶送禮紛華靡麗至有走卒奴婢被綺縠著珠

璣且復重申以觀後効

永元初何敞諫濟南王康曰與馬臺隸應為科品

桓

帝永興二年二月癸卯詔曰其輿服制度有踰侈長飾者宜皆損省郡縣務存儉約申明舊令如永平故事

東平王傳中興三十餘年四方無虞蒼以天下化平宜

修禮樂乃與公卿共議定南北郊冠冕車服制度

東觀書永

平二年正月公卿議春南北郊蒼議云云

明德后紀外親美車服不軌法

度者絕屬籍廣平鉅鹿樂成王車騎朴素賜錢各五百

萬中外從化被服如一 續志諸車之文乘輿倚龍伏

虎攬文畫輶皇太子諸王倚虎伏鹿輶吉陽甬朱班輪

鹿文飛鈴九旂降龍公列侯倚鹿伏熊黑輶朱班輪鹿

文飛鈴九旂降龍卿朱兩輶五旂降龍二千石以下各

從科品公列侯以下皆單綠襪制文繡為祭服皇后以

下皆不得服諸古麗主祔閨綠加上之服建武永平禁

絕之建初永元又復申重於是世莫有能制其裁者乃

遂絕矣

志所載乘輿至小使車其目十有八冕冠至鵠冠其目十有九幘佩至后夫人服其目十有三

餘見冕服類

續志注蔡邕表志曰永平初詔書下車服制

度中宮皇太子親服重繒厚練浣已復御率下以儉諸侯王以下至於士庶嫁娶被服各有科品當傳萬世揚光聖德臣以為宜集舊事儀注本奏以成志也 袁宏

漢紀漢初文學既缺輿服旗幟一承秦制永平二年正月天子依周官禮記制度冠冕衣裳珮玉乘輿擬古式矣 徐廣車服注曰漢明帝案古禮備其服章天子郊廟衣皂上絳下前三幅後四幅衣畫而裳繡

漢車服儀

宋禮志漢初崇簡不存改作車服之儀多因秦舊至明
帝修復先典司馬彪輿服志詳之矣魏代唯作指南車
晉立服制令辨定衆儀徐廣車服注畧明事目並行於
今 晉志漢明帝云云天子車乘冠服從歐陽氏說公
卿以下從大小夏侯氏說

漢輿服志 晉車服儀注

劉昭曰司馬續書八卷車服即依董蔡 唐志儀注類

董巴大漢輿服志一卷

隋志云魏博士

徐廣車服雜注一卷

南史

晉義熙初宋武帝使廣撰車服儀注

周遷古今輿服雜事十卷

隋志梁周遷二十卷

蕭子雲古今輿服雜事二十卷

此數家皆旁記別錄

後魏禮志

太學博士王延業議案周禮王后有五輅又漢輿服志

云太皇太后皇太后皆御金根車阮湛禮圖并載奏漢

以來輿服亦云金根輅皇后法駕乘之以禮婚見廟乘

輅后法駕乘之以親桑安車后小駕乘之以助祭山輅

車后行則乘之紺罽輅車后小行則乘之入閤輿后出

入閣宮中小遊則乘之晉先蠶儀注皇后乘雲母安車

駕六駟案周秦漢晉車輿儀式互見圖書名號小異畧

相依擬 南齊志蔡邕創立此志馬彪勒成漢典

蔡邕首著

車服志司馬彪緒成之史官頗續此作

宋禮志引徐廣車服注 選東

京賦注引漢雜事徐廣車服志 春秋正義引徐廣車

服儀制曰漢明帝復制轂又引董巴志司馬彪志 隋

禮儀志蔡邕獨斷論漢制度又引董巴志謂為瑞山車

董巴所述全明漢制又引徐氏輿服注曰通天冠高九

寸黑介幘金博山案徐氏雜注曰古者貴賤皆執笏有事則書之故常簪筆 前五志行步有佩玉之度登車有和鸞之節田狩有三驅之制飲食有享獻之禮

唐車輿衣服令 車服法度

志武德四年始著車輿衣服令上得兼下下不得擬上凡天子之車五路屬車十乘皇后之車六皇太子之車三親王及武職一品有象路二品三品有革路四品有木路五品有輅車凡天子之服十四皇后之服三皇太

子之服六妃服三羣臣之服二十有一命婦之服六文
宗以四方車服僭奢下詔準儀令品秩勲勞為等級職
事官服綠青碧云云至常參官施瓦獸桴梁 會要武
德四年七月十六日定制凡衣服之令天子之服十有
二等大裘衮鷩毳褕玄冕通天冠武弁黑介幘白紗帽
平巾幘白恰也又曰武德初著令天子鑾輅五等屬車十乘顯慶元年九月
十九日修禮官無忌等言準武德初撰衣服令乘輿祀
天地服大裘冕無旒雖憑周禮今請停大裘服衮冕仍

改禮令案令文補冕玄冕四品五品之服請並服衮冕
白紗雖著令文不可行請改素服從之貞觀十四年八
月十四日詔曰冠冕制度已備令文開元二十六年左
相耀卿等奏謹案衣服令皇太子具服有遠遊冠絳紗
袞上手勅改為朱明服太和元年五月勅衣服器用車

乘第室侈儉之制近日頗差宜準儀制令六年六月

戊寅

制度勅條自親王二王後服色至仗衛雜飾節鎮軍裝

衣服

右僕射王涯奏

七年八月九日勅起今年十月其衣服輿

馬宜準太和六年十月七日勅如有故違重加黜責

冊太

子詔比年所頒制度皆約國家令式去其甚者稍謂得中而士大夫安於習俗因循未革

王涯傳

文宗惡俗侈靡詔涯懲革涯條上其制凡衣服室宇使畧如古貴戚皆不便議遂格 德宗紀大厯十四年即

位六月己亥大赦減乘輿服御士庶田宅車服踰制者

有司為立法度 肅宗上元元年閏四月己卯詔定王

公已下車服詳古制聞奏

太平興國車服制度 衣服令

興國七年正月九日壬寅翰林承旨李昉準詔詳定車

服制度

以士庶之家車服踰僭故令詳定

昉等言商賈車馬漆素鞍者

勿禁工商庶人聽乘車兜子不得過二人荔支帶非恩

賜者官至三品乃得服品官綠袍舉子白襴下皆服紫

請禁之其私第便服通許服皂從之端拱二年十一月

九日詔曰國家先定車服制度聞士庶尚有奢僭於是

鞍轡服帶幘頭巾子並為條制復禁泥金真珠服飾景

祐三年直昭文館扈稱上言京師士庶務為華靡第舍

服玩僭擬無法宜革僭奢之弊二月壬戌下兩制與
禮院詳定制度八月己酉詔臣庶之家自居室服器

車輿鞍勒之制悉裁為令以頒天下

先是詔云輦轂士民服御纖華

室居宏麗因命攸司參為定式
紀云頒冠服居室器用車馬之式

嘉祐四年四月

辛卯復詔御史監司察舉 治平二年八月詔減定

袞冕制度初同知禮院李育奏開寶通禮及衣服令

冕服皆有定法悉無會要所載寶錦之飾 元祐八

年四月戊午李之純請嚴立制度杜奢僭之原詔禮

部以條式盼示 清廟茅屋大路越席太羹不致粢
食不鑿昭其儉也衮冕黻珽帶裳幅舄衡紃紕昭
其度也藻率鞞鞞擊厲旂纓昭其數也火龍黼黻昭
其文也五色比象昭其物也錫鸞和鈴昭其聲也三
辰旂旗昭其明也

左傳桓二年
臧哀伯云

參旗分景帝車舍

曜所以榮衛南宮增華北極聖人見鳥獸容貌草木
英華始創衣冠而玄黃殊采見秋蓬孤轉杓攜旁建
乃作輿輪而方圓異則

晉志

殷輅周冕規模不一秦

冠漢佩用舍無常方軫圓蓋以觀法象鏤錫辰旂以昭
聲明寢兕持虎以養其威升龍左纛以副其德 鳴珮
紆組鏘鏘奕奕 車服以庸有虞盛典威儀以等周禮
舊章

車輿

陳祥道曰古者服牛乘馬引重致遠以利天下則
車之作尚矣或曰黃帝作軒冕不可考也

通典人
皇氏乘

雲駕六羽或云祗車古史考
云黃帝作車至少昊始駕牛車之制象天以為蓋

象地以為輿象斗以為杠轂象二十八星以為蓋
象日月以為輪輻前軾而後戶前軼而後軫旁轆
而首以較下軸而銜以轡對人者謂之對車如舟
者謂之輶揉而相迎者謂之牙輶之曲中謂之前
疾軛之上平謂之衡衡之材與輿之下木皆曰任
以其力任於此也轂之端與轆之下木皆曰軛以
其旁止於此也軛可以名輿可以名車達常可以
名部軛前橫木可以名輅此又因一材而通名也

其為車者有長轂有短轂有杼輪有倅輪有反揉
有仄揉有兩輪有四輪有有輻有無輻有曲轅有
直轅輦曲轅有一轅有兩轅有直輿有曲輿鈎車曲輿有
廣箱有方箱有重較有單較者或駕馬或駕牛或
輓以人或飾以物或漆或素皆因宜為制稱事為
文然論其任重則同稱為車論其等威則禮有屈
伸名有抑揚也

三皇祇車

蜀志秦宓曰三皇乘祗車出谷口今之斜谷是也注蜀記曰云云未詳宓所由知為斜谷也

黃帝指南車 周司南車

黃帝內傳玄女為帝制司南車當其前記里鼓車居其右 崔豹古今注輿服第一大駕指南車起黃帝與蚩尤戰涿鹿之野蚩尤作大霧兵士皆迷於是作指南車以示四方遂禽蚩尤後代常建焉

志林外紀同又見通典一云帝令風后

法斗機作車

舊說周公所作也周公治致太平越裳氏重

譯來貢白雉一黑雉二使者迷其歸路周公錫以文錦
二匹駟車五乘皆為司南之制使越裳氏載之以南
其年至其國使大夫送至而還亦乘司南而背其所指亦
其年還始制車轄轄皆以鐵還亦銷盡以屬巾車氏藏
之常為先導示服遠人而正四方車法具在尚方故事
宋書沈約司南車周公所作以送荒外遠使地域平漫
迷於東西造此車使常知南北 鬼谷子鄭人取玉載
司南之車為其不惑也文選注 韓非子先王立司南以

端朝夕注即指南車

釋名黃帝造車

漢地理志黃

帝作舟車以濟不通

黃帝象車 人皇氏祗車

韓子師曠對晉平公曰黃帝合鬼神於泰山之上駕象車六交龍畢方並轄蚩尤並轂風伯進掃雨師洒道

作為清角

出後漢劉昆傳注上林賦注郭璞引韓子云云又張揖曰德流則山出象車山之瑞也

通典昔人皇氏乘雲駕六羽出谷口或云祗車也及

五龍氏乘龍上下以理古史考云黃帝作車引重致遠

至少昊始駕牛及陶唐氏制彤車乘白馬有虞氏因彤車而制鸞車夏后氏因鸞車而制鈎車言不揉自曲時有奚仲為夏車正建其旂旐駕馬尊卑上下各有等級商因鈎車而制大路注昔成湯用而郊祀有山車之瑞山車亦謂之桑根車詳見後商大路周因殷路約木而加飾為玉家語山出器車注出銀瓮丹甌之器及象車後漢志注崔駰頌曰登天靈之威輅駕太一之象車

堯彤車

史記本紀堯富而不驕貴而不舒黃收純衣彤車

堯火德故

赤車尚

乘白馬能用訓德以親九族

晉輿服志史臣曰

放勳彤車白馬叶三微之序

又見黃帝象車

大戴禮五帝德

堯黃黼黻衣丹車白馬

堯大路

淮南子主術篇堯之有天下也茅茨不翦采椽不斷大

路不畫

大路上路四馬車也天子駕六馬不畫不文飾也

越席不緣大羹不和

粢食不穀豈其奉養不足樂哉舉天下而以為社稷非

有利焉

虞鸞車 鸞路

明堂位鸞車有虞氏之路也

有鸞和也

鈎車夏后氏之路也

有曲與

大路殷路也

大路木路也漢祭天乘殷之路今謂之桑根車也春秋傳曰大路素疏祭

天尚質

乘路周路也

玉路

疏明魯有四代之車

月令孟春

天子居青陽乘鸞路駕倉龍鄭注鸞路有虞氏車有鸞

和之節而飾之以青取其名耳

古史考有虞氏因彤

車制鸞車

詳見黃帝象車

後漢志注賀循曰車必有鸞而春

鸞路者鸞鳳類色青故以名春路 傅毅車銘曰虞氏
作車取象璣衡 呂氏春秋注鸞鳥在衡和在軾鳴相
應和後世不能復致鑄銅為之飾以黃金因謂之鸞輅
方氏曰鸞車車之有鈴者必曰鸞取其聲之美也鈎
車取其形之曲

舜金車

瑞應圖舜時金車見帝庭 宋符瑞志金車王者至孝
則出象車山之精也德澤流洽則出根車者德及山陵

則出山車山藏之精也不藏金玉山澤通給天下則山成其車

舜山車

孝經援神契虞舜德盛故山車出有垂綏

山車者自然之物也與象

車相似

宋志山車山藏之精也

禹四載

書予乘四載孔注謂水乘舟陸乘車泥乘輶山乘橐

尸子

山行乘橐泥行乘輶淮南子注澤行乘輶說文山行乘橐澤行乘輶

淮南修務訓禹

沐雨櫛風決江疏河乘四載隨山栞木平治水土 史

記陸行載車水行載舟泥行蹈橈

音

山行即橋

徐廣曰橋一作

華

漢溝洫志陸行載車水行乘舟泥行乘橈山行則

楫

正義輔與為一標與楫華為一古篆變形

叙夏乘四載百川是導

夏鈎車

明堂位鈎車夏后氏之路也注鈎有曲輿者也

通典鈎之言不

樣自曲

正義輿則車床曲輿謂曲前闌也虞質未有鈎矣

古史考夏后氏因鸞車而制鈎車

詳見黃帝象車

詩六月

注夏后氏曰鈎車先正也

見司馬法或以鈎車為兵車

夏余車 周輦

周禮小司徒登其鄉之衆寡六畜車輦鄉師大軍旅會同正治其徒役與其輦輦注輦駕馬輦人輓行所以載任器止以為蕃營司馬法曰夏后氏謂輦曰余車殷曰胡奴車周曰輜輦輦一斧一斤一鑿一耜一鋤周輦加二版二築又曰夏后氏二十人而輦殷十八人周十五人而輦

說者以為夏出師不踰時殷踰時周歷時故前世輦少後世輦多

巾車王

后五路輦車

見後

縣師辨人民之數車輦之稽稍人

作其輦輦

均人均車輦之力政

遂人以歲時登夫

家衆寡及其車輦

通典夏氏末代制輦秦為人君之

乘漢以彫玉為之

傅子夏曰余車云云不知何代去

其輪又後漢志注引傅子曰周曰輜車即輦也

宋志引傅玄子

云云

宋志輦夏后氏末代所造

詩黍苗我任我輦疏

輦車人挽以行

左傳公叔文子老矣輦而如公

晉

語攀輦即利而舍

後漢井丹傳陰就左右進輦丹笑

曰吾聞桀駕人車豈此邪 後魏志入閣輿與輦其用
又同案圖今之黑漆畫扇輦輿周之輦車其形相似
荀子天子召諸侯諸侯輦輿就馬注輦謂人輓車

夏車正

左傳定元年正月薛宰曰薛之皇祖奚仲居薛以為夏
車正注為禹掌車服大夫 淮南子胡曹為衣奚仲為
車注易曰黃帝垂衣裳胡曹黃帝臣也 荀子解蔽篇
奚仲作車杜作乘馬注黃帝已有車服奚仲亦改制耳

世本曰相土作乘馬契孫也四馬駕車起於相土故曰

作以其作乘馬之法

世本奚仲始作車劉昭以為誤史考所說是也

呂氏春

秋胡曹作衣乘雅作駕寒哀作御奚仲作車

奚仲車

管子奚仲之車也方圜曲直皆中規矩鈎繩 山海經

番禺生奚仲仲生吉光始以木為車注郭璞曰世本奚

仲造車此言吉光明其父子共創意 崔駰車左銘曰

虞夏作車取象機衡 宋志庖羲畫八卦而為大輿奚

仲乃夏之車正安得始造乎

殷大路 路車 瑞山車

明堂位

見鸞車

注大路殷之祭天車也疏祭天尚質以尊

敬周公故用殷禮車乘殷路 月令中央土天子居太

廟乘大路駕黃駟注大路殷路也如殷路之制而飾以

黃 禮器大路素而越席疏殷猶質以木為車無別雕

飾乘以祭天謂之大路 郊特牲大路繁纓一就

疏殷祭天

之車禮器注同

先路三就次路五就

禮器言七就字誤也

祭之日乘素車

貴其質也

注素車殷路也魯公郊用殷禮

丹漆雕幾之美素車之乘尊

其樸也

論語顏淵問為邦子曰乘殷之輅注馬曰殷

車曰大輅左傳曰大路越席昭其儉也集注古者以木

為車而已至商而有輅之名蓋始異其制也

質而得其中

韓非子殷人作為大路而建九旒史記孔子曰殷路

車為善而色尚白

後漢志殷瑞山車金根之色

禮緯曰山

車垂鈎

商因鈎車而制大路成湯用而郊祀有山車之瑞亦謂之桑根車亦謂之大路

漢祭天東之

齊志殷有瑞車山車垂鈎是也

殷三路

郊特牲疏大路殷祭天車也用以祭天故曰大路五采一成曰就天質慤故止一就明堂位云大路殷路是也先路三就者先路亦殷路也殷則三路其世猶質故以少飾為先對次故稱先也每加以兩大路一先輅三次路五就禮器無先路之文云次路七就為誤也 禮器

疏次路殷之第三路也共卑用故就多 左傳襄十二年鄭賜子展先路子產次路 宋志秦閱三代之車獨

取殷制古曰桑根車秦曰金根

殷有山車之瑞謂桑根車殷人制為大路

隋志昔成湯用而郊祀因有山車之瑞亦謂桑根車

湯奇肱車

括地圖奇肱民能為車從風遠行湯時西風久奇肱車
至於豫州去玉門四萬里 選注春秋命厯序人皇九
頭提羽蓋乘雲車出暘谷分九河

周五路 齊車 道車 旂車 戎路 革車

田路 乘車 公車政令 良車 服車

車儀 路車

春官巾車

下大夫二人

掌公車之政令辨其用與其旗物而

等叙之治其出入

注公猶官也用謂祀賓之屬旗物太常以下等叙之封同異姓之次叙

易氏曰五路至服車皆典於公故謂公車

王之五路

注王在焉曰路疏若路門路寢路車路馬皆稱

路路大也王之所在以大為名

一曰玉路錫樊纓十有再就建大常十

有二旂以祀

注玉路以玉飾諸末錫馬面當盧刻金為之所謂鑊錫樊馬大帶也纓馬鞅玉路之

樊及纓皆以五采屬飾之疏言諸末者凡車上之材於末頭皆飾之一采一布為一就

金路鉤樊

纓九就建大旂以賓同姓以封

注以金飾諸末鉤臺領之鉤也金路無錫有鉤

亦以金為之疏詩云鉤膺鏤錫鉤在膺前玉路兼有鉤

象路朱樊纓七就建大赤

以朝異姓以封

注以象飾諸末象路無鉤以朱飾勒而已以朝以日視朝

革路龍勒

條纓五就建太白以即戎以封四衛

注鞞之以革而漆之無他飾龍駝也

以白黑飾韋雜色為勒條讀為條

木路前

讀為

樊鵠纓建大麾以田以

封蕃國

注不鞞以革漆之而已翦淺黑也木路無龍勒以淺黑飾韋為樊鵠色飾韋為纓不言就數飾

與革路同杜子春云鵠或為結疏凡五等諸侯所得路在國祭祀及朝天子皆乘之但朝天子之時乘至館則

舍之于館觀禮記云偏駕不入王門乘墨車龍旗以朝同姓金路無錫韓侯受賜得有鏤錫者有功特賜

王

后之五路

見

後服車五乘

服事者之車

孤乘夏篆

五采畫

卿乘

夏纓

五采畫無篆

大夫乘墨車

不畫

士乘棧車

不革鞅而漆之

庶人乘

從車

方箱可載任器以共從疏冬官棧車欲奄禮乘墨車攝盛也

士車有漆飾案唐傳云古之

云昏

帝王必有命民於其君得命然後得乘飾車駢馬之衣駢錦注云飾漆之駢併也

詩有棧之車注云役車

凡良車散車不在等者其用無常

注給遊燕及恩惠之賜不在等者謂若今

輜車後戶之屬作之有功有沽疏作之有精麗故有良散之名

凡車出入歲終則會之

典路

中士二人

掌王及后之五路辨其名物與其用說若

有大祭祀則出路贊駕說大賓客亦如之凡會同軍旅

以路從

注王乘一路典路以其餘路從行亦因以華國疏衣裳之會及弔乘金路兵車之會及軍旅乘

革路王出雖乘一路餘路皆從惟玉路祭祀之車尊不出

車僕掌戎路之萃

注萃猶副

也戎路王在軍所乘也疏曰革路

凡師共革車各以其萃會同亦如之

注巡守及兵車之會則王乘戎路乘車之會王雖乘金路猶共以從不失備也

司常道車載

旂

注象路也王以朝夕燕出入

旂車載旌

木路也王以田以鄙大閱王乘戎路建大常焉

玉路金路不出

凡祭祀各建其旗

注王祭祀之車則玉路疏朝所以行道故謂象路為道車

木路以田是游樂之所

夏官司戈盾軍旅會同授貳車戈盾建乘

車之戈盾

注乘車王所乘車也軍旅則革路會同則金路

戎右掌戎車之兵

革使會同充革車

注右者參乘此充戎車之右田獵亦為之右會同王雖乘金路猶以革路

從行也充謂居左曲禮曰
乘君之乘車不敢曠左

齊右掌祭祀會同賓客前

齊車王乘則持馬行則陪乘

注充玉路金路之右齊車金路王自整齊之車也齊

右與齊僕同車而有祭祀之事則兼玉路之右然則戎右兼田右與疏王路有五右唯有三易氏曰齊敬也

玉路以祀則敬乎神金路以賓則敬乎賓先王承賓猶承神也

道右

充象路之右

掌前路

車王出入則持馬陪乘如齊車之儀

注道車象路也王行道德之車自

車上諭命於從車

疏從車即貳車

詔王之車儀王式則下前馬

王下則以蓋從

注車儀顧式之屬疏禮云式視馬尾顧不過轂昏是車上威儀易氏曰謂之

道車者王者動容周旋無適不與道俱記所言不廣效不妄指升車必正立執綏不疾言不內顧無非車之儀

司右掌羣右之政令

注戎齊道右

太僕王出入則自左

馭而前驅

大馭

中大夫二人馭之最尊

掌馭玉路以祀

易氏曰玉路不

言僕者祀為國之大事王為王之大路所以易僕為馭

及犯軼

行山日軼

王自左馭馭

下祝登受轡犯軼遂驅之凡馭路行以肆夏趨以采齊

注凡馭路謂五路也行謂大寢至路門趨謂路門至應門疏四路亦准玉路為法

凡馭路儀以

鸞和為節

注舒疾之法也鸞在衡和在軾皆以金為鈴

戎僕掌馭戎車

革路

也掌王倅車之政正其服

倅副也疏副車十二乘及廣闊革輕之倅

犯軼如

玉路之儀掌凡戎車之儀

衆之兵車也

齊僕

注古者王將朝觀會同必

齊所以敬宗廟及神明

掌馭金路以賓朝覲宗遇饗食皆乘金路

其法儀各以其等為車送逆之節

道僕掌馭象路以

朝夕燕出入其法儀如齊車掌貳車之政令

注王朝朝莫夕主御

王以與諸臣行先王之道貳亦副

田僕掌馭田路以田以鄙掌佐車

之政

注田路木路也佐亦副疏天子尊故戎車田車之貳有別名諸侯卑戎車田車之貳同曰佐少儀注

云朝祀之副曰貳戎獵之副曰佐

設驅逆之車

疏王制云佐車止則百姓田獵彼佐車則此驅

逆之車也

馭夫掌馭貳車

象路之副從車

戎路田路之副

使車

驅逆之車疏曰

不掌玉金路之副二者事暇

校人辨六馬之屬

注玉路駕種馬戎路駕戎馬金路駕

齊馬象路駕道馬田路駕
田馬良馬善馬五路之馬

旅賁氏夾玉車而趨車止

則持輪 考工記周人上與兵車之輪六尺有六寸

革路

也 田車之輪六尺有三寸

木路也

乘車之輪六尺有六寸

玉金象路也此以馬大小為節兵車乘車駕國馬田車
駕田馬六尺有六寸之輪軹崇三尺有三寸也加軹與

轆焉四尺也人長八尺登
下以為節此車之高者

書大輅

玉

綴輅

金

先輅

象

次輅

革木注云贅路

周禮

月令孟秋乘戎路

注兵車也制如周革路而飾以

白

詩采薇彼路斯何君子之車

箋謂將率疏鄭子蟠叔孫豹王賜之大路

是卿車得稱路也

采芑路車有頡簞茀魚服鈎膺絳革

疏方叔不

乘革路者以革
路臨陣所乘

韓奕其贈維何乘馬路車

箋人君所乘之車曰

路車

王錫韓侯淑旂綏章簟茀錯衡鈎膺鏤錫倅革金厄

崧高王遣申伯路車乘馬

大戴禮保傅篇古之為

路車也蓋圓以象天二十八橑以象列星軫方以象地

三十輻以象月

左傳桓二年大路越席

疏巾車五路玉路為大故

杜以玉路為大路結蒲為之席置於玉路之中以茵藉

示其儉也服虔曰大路木路也玉路十二存金路九

存是存有數也玉路纓十有二就金路纓九就是纓有數也

國語周秩官曰工人

展車曲禮武車綏旌

疏云革路也取其建戈刃云兵車取其威猛云武車

德車

結旌

謂玉金象木四路不用兵故曰德車

禮運天子以德為車以樂為

御 宋志周五路之飾備於考工記輿方法地蓋圓象

天輻以象日月二十八弓以象列宿 後漢志注釋名

曰天子所乘曰路言行路也服虔曰大路尊卑俱乘采

飾有差傳玄乘輿馬賦注玉路重較也

周車六等

考工記周人上輿

注武王疾上下失其服飾而尊輿

一器而工聚者車

為多

注周所上也

車有六等之數

注易三材六畫

車軫四尺謂之一

等戈秘六尺有六寸既建而迤崇於軫四尺謂之二等

人長八尺崇於戈四尺謂之三等父長尋有四尺崇於

人四尺謂之四等車戟常崇於父四尺謂之五等酋矛

常有四尺崇於戟四尺謂之六等

注此所謂兵車也疏此六等軫一人一之

外兵有四等此謂前驅車所建

察車自輪始

攻木之工七輪與車居其

其一輪人析而二車人析而三其外又有轉人為轉是車之三工又別而為七

輪人為輪三

材具

牙轂輻

巧者和之可規可萬可水縣量權也謂之國

工為蓋蓋崇十尺

蓋主為雨設乘車無蓋禮所謂療車謂蓋車與

輿人為車

輪崇車廣衡長參如一謂之參稱

隧式較軫軹衡

棧車欲奄

革無

執士

飾車欲侈

大夫以上革軹輿疏革路墨車等案殷傳云未命為士者不得乘飾車

輈人為輈

車輹也詩五禁梁輈

輈有三度軸有三理國馬輈深四

尺有七寸田馬輈深四尺驚馬輈深三尺有三寸軸一

以為螾二以為久三以為利良輈環漚自伏兔不至軌

七寸軌中有漚謂之國輈軫方以象地蓋圓以象天輪

輻三十象日月蓋弓二十八象星大車之輹摯

注大車牛車也

疏輪人與人造四馬車上所陳是也

廬人為廬器六

車人造大車栢車羊車是駕牛者

建既備車不及覆謂之國工

注六建五兵與人也

車人之事為

耒為車行澤短轂則利行山長轂則安柏車轂長一柯

圍二柯輻一柯

柏車山車輪高六尺牙圍尺二寸

大車崇三柯綆寸

大車

平地載任之車較長半柯

羊車二柯有參分柯之一

羊善也善車若今定張車較長

七尺疏定張車據漢法言漢去今遠未知定張車將何所用但知在宮內所用故差小為之謂之羊車耳此羊車較長七尺則大矣而論語謂大車為柏車小車為羊車者以柏車較雖短轂輻牙則長羊車較雖長轂輻牙則小故得小車之名

包氏論

續漢志上古聖人見

語注大車牛車小車駟馬車

轉蓬始知為輪輪行可載復為輿後聖觀於天視斗周

旋魁方杓曲以攜龍角為帝車於是乃曲其軸故易震
乘乾謂之大壯言器莫有上之者也 易氏曰詩伯也
執父為王前驅鄭氏引此文箋之則車之六等為前驅
所建可知其兵有四戈枹既建而迺止戈為武之義父
車戟酋矛皆置之車傍備而不用之義觀兵車之制先
王不急於用兵可推矣又曰考工言六等而後言察車
廬人言六建而後言試廬其實一也

周王后五路

自翟至輦

安車

禮巾車王后之五路重翟錫面朱總重翟雉羽也后從王祭祀所乘疏約

王之五路則重翟當玉路馬氏等云重翟為蓋厭翟勒

面績總注次其羽使相迫也后從王賓饗諸侯所乘疏相次以厭其本詩箋王姬車乘厭翟安車

彫面鷖總皆有容蓋注坐乘車凡婦人車皆坐乘詩碩人曰翟第以朝蓋厭翟也安車無

蔽后朝見於王所乘謂去飾也容謂幬車山東謂之棠或曰澶容蓋如今小車蓋疏曲禮婦人不立乘王后

五路皆坐乘安車無異稱故獨得名曲禮大夫致事若不得謝必賜之几杖乘安車則男子坐乘亦謂安車

劉熙釋名曰容車婦人所載小車也列女傳妃后踰闕必乘安車輜輶翟車貝面組總有

握注不重不厭以翟飾車之側如今輶車后所乘以出桑有輶則無蓋疏漢法輶車無蓋輶本作握音屋

疏作輦輦車組輓有翬羽蓋

注不言飾后居宮中從容所乘但漆之而已為輕輪人輓

之以行有翬以禦風塵以羽作小蓋為翬日也

曲路掌王及后之五路辨名

物用說

周貳車

禮大行人上公之禮貳車九乘諸侯七乘諸伯如諸侯之禮諸子五乘諸男如諸子之禮注貳副也疏貳車所飾無文左傳晉七輿大夫注侯伯七命副車七乘每車有一大夫主之詩正義鄭箴膏肓云卿以上所乘

車皆曰大路 輿人疏天子與其臣乘重較之車諸侯之車不重較

周輜車

見上

周乘路

明堂位乘路周路也注玉路疏周王禮故用玉

周五時路

晉輿服志周禮巾車氏云云有嚴有翼用光其武鈎膺絳革乃暢其文六服之冕五時之路王之常制各有等

差月令春乘鸞路駕蒼龍載青旂夏乘朱路駕赤駟
載赤旂中央乘大路駕黃駟載黃旂秋乘戍路駕白駟
載白旂冬乘玄路駕鐵驪載玄旂

蔡伯喈王肅云
月令周公所作

周大路二路

漢武問賢良策周室設兩觀乘大路朱干玉戚八佾陳
於庭而頌聲興公羊傳子家駒曰乘大路天子之禮
也注禮天子大路諸侯路車大夫大車士飾車荀子
禮論天子大路越席以養體側載畢並以養鼻前有錯

衡以養目和鸞之聲步中象武趨中韶護以養耳龍旗
九旂以養信寢兕持虎蛟黼絲末彌龍以養威 正論
天子尊無上衣被則服五采雜間色重文繡飾珠玉食
飲則重大牢而備瓊恠曼而饋代畢而食雍而徹五祀
執薦者百人侍西房居則設張容負依而坐諸侯趨走
乎堂下乘大路越席以養安 注大路祭天車 三公奉軛持納 與軛
同諸侯持輪挾輿先馬大侯編後大夫次之小侯元士
次之庶士介而坐道庶人莫敢望視居如大神動如天

帝 左傳桓二年大路越席

疏路大也君之所在以大為號門曰路門寢曰路寢

車曰路車故人君之車通以路為名杜以玉路為大路經傳言大路者多矣尚書大輅孔安國以為玉服虔云

大路 僖二十八年王命晉侯為侯伯賜之大路之服

注大

路金

襄十九年鄭公孫薑卒

子蟬

王追賜之大路二十四

年穆叔

叔孫

如周聘王賜之大路

注大路天子所賜車之總名

以周禮孤

乘夏篆卿乘夏縵釋例以所賜穆叔子蟬當是草木二路諸侯之卿特賜則有大路

昭四年杜洩

曰夫子

叔孫

受命聘於王王賜之大路復命致之君君

復賜之使三官書之十五年十二月晉荀躒如周王曰

叔父唐叔成王之母弟也密須之鼓與其大路文所以

大蒐也闕鞞之甲武所以克商也唐叔受之處參虛以

有戎狄其後襄之二路

大路戎路

鉞鉞拒鬯彤弓虎賁文公

受之以有南陽撫征東夏非分而何定四年祝佗曰成

王分魯公康叔唐叔以大路

注金路錫同姓諸侯車

齊語天子

致胙於桓公賞服大路龍旂九旒渠門赤旂

注賈侍中云大路諸

侯朝服之

車謂金路

隋志白虎通云玉輅大輅也

晉摯虞獨疑大輅謂非玉

輅周謂之乘輅大戴禮著其形式上蓋如規象天二十

八橑象列星下方輿象地三十輻象一月前視則觀鸞
和之聲側觀則觀四時之運 宋志禮所謂金玉路者
正以金玉飾諸末耳左右前後同以漆畫秦改周輅制
為金根通以金薄周匝四面漢魏二晉因循莫改逮乎
大明始備五輅金玉三制並類金根 觀禮注朝事儀
曰天子冕而執鎮圭尺有二寸繅藉尺有二寸搢大圭
乘大路建大常十有二旒樊纓十有二就貳車十有二
乘帥諸侯而朝日於東郊所以教尊尊也退而朝諸侯

周乘石

禮夏官隸僕

下士二人

王行洗乘石鄭司農曰王登上車之

石也詩有扁斯石履之卑兮疏乘車之得履石唯王為

然

登五路之石王行則洗之致其潔也

淮南子周公履乘石

唐王起洗乘石賦承

玉趾以增麗拂充衣而更妍有翼有嚴既敬既戒洗列周經履合周雅

選注尸子曰周

公旦踐東宮履乘石

參乘

夏官戎右注古者參乘此充戎路之右田獵亦為之右

焉疏若在軍為元帥則將居鼓下將在中御者在左若
凡平兵車則射者在左御者居中若在國則尊者在左
御者在中央其右是勇力之士執干戈常在左右戎右
兼田右齊右兼祀右僕有五不兼者僕難於右是以六
藝之中有五御而不言右曲禮乘君之乘車疏謂君
之次路也王者五路王自乘一所餘四路皆從行

周常車

周書克殷解第三十六及期百夫荷素質之旗於王前

叔振奏拜假又乘常車周公把大鉞召公把小鉞以夾
王泰顛闕天皆執輕呂以秦王王入即位於社大卒之
左羣臣畢從

孔晁注常車威儀車也三公夾衛王也

史周紀叔振鐸奉

陳常車

周指南車

鬼谷子肅慎氏獻白雉於文王還恐迷路問周公作指

南車以送之

又見黃帝指南車

周器車

子華子吾之宗君為周日正周公作成周定鼎於郊鄆
吾之宗君薦所以為祥者其族有三曰井里之璞也曰
太山之器車也曰唐叔異畝之禾也 禮運山出器車

注器謂若銀甕丹甌也

出援神契

正義按禮緯斗威儀其政

太平山車垂鉤注云山車自然之車垂鉤不掾治而自

圓曲

家語注象車也

孝經援神契德至山則山出木根車應

載萬物

金車者王者至孝則出

魯大路 魯四代車

明堂位魯君孟春乘大路載弧韞旂十有二旒日月之章祀帝於郊配以后稷天子之禮也正義此一經明魯

有四代之車

見上

左傳成二年公會晉師於上鄆魯賜

三帥先路之服

疏按釋例先路者革路若木路或云先或云後蓋以就數為差其受之於王則

稱大革木是卿大夫車之尊者金路是諸侯車之尊者玉路天子車之尊者皆稱大

仲尼車輿 魯孔氏車

詳見車服

見車服制度



玉海卷七十八

欽定四庫全書

子部
玉海卷七十九

詳校官給事中臣查善長

主事臣祁韻士覆勘

總校官進士臣朱 鈐

校對官編修臣沈清藻

謄錄監生臣李 本

欽定四庫全書

玉海卷七十九

宋 王應麟 撰

車服

車輿

漢金根車

德車

安車

立車

五時車

大旂金路

後輿服志

即續志

秦并天下攬其輿服漢興承秦之制後

稍改定近於雅正或曰殷瑞山車金根之色殷人以為

大路於是始皇作金根之車

殷曰桑根秦改曰金根以金為飾玄旗皂旂以從水

德漢承秦制御為乘輿孔子所謂乘殷之路者也乘輿

金根安車立車

蔡邕曰五安五立徐廣曰立乘曰高車坐乘曰安車輪皆朱班重

牙貳轂兩轄

東京賦曰重輪貳轄疏轂飛軫

金薄繆龍為輿倚較文虎

伏軾龍首銜軛左右吉陽簫鸞雀立衡櫺文畫軸

選注此

云五羽蓋華蚤

徐廣曰翠羽蓋黃裏所謂黃屋車也金華施椽木有二十八枚即蓋弓也東京

賦曰樹翠羽之高蓋

建大旂十有二旂畫日月升龍駕六馬

東京賦六

玄蚪之
奕奕

象鑣鏤錫金鍔方鉞插翟尾

獨斷曰金鍔者馬冠也高廣各五寸

上如玉華形在馬髦前方鉞鐵也廣數寸在馬駿後後有三孔插翟尾

朱兼樊纓赤罽易

草金就十有二左纛以翟牛尾為之在左駢馬軛上大

如斗

徐廣曰馬在中曰服在外曰駢

是為德車五時車安立亦皆如之

各如方色馬亦如之白馬為朱鬣云所御駕六餘皆駕

四後從為副車

古文尚書曰馭六馬逸禮王度記曰天子駕六馬諸侯駕四大夫三士二庶人

一周禮四馬為乘毛詩天子至大夫同駕四士駕二易京氏春秋公羊說皆云天子駕六許慎以為天子駕六諸侯及卿駕四大夫駕三士二庶人一史記秦始皇以水數制乘六馬鄭玄以為天子四馬今帝者駕六此自

漢制與古異蔡邕表志曰以文義不著之故俗人多失其名五時副車曰五帝車鸞旗曰雞翹耕根曰三蓋其一也耕車戎車獵車其飾皆如之諸車之文乘輿倚龍

伏虎櫨文畫輶龍首鸞衡重牙班輪升龍飛軫

薛綜曰飛軾以

緹油廣八寸長注地畫龍虎繫軸頭

應劭漢官鹵簿圖曰乘輿大駕則御鳳皇車以金根為列列宋志作副

曲禮德車結旌注不盡飾也結謂收斂之德車乘車

疏德車謂玉金象木四路不用兵故曰德車德美在內

不尚赫弈故結纏其旒著於竿也何胤云以德為美故

略於飾此坐乘之車也云乘車必正立則非坐乘

德車者取

天子以德為車之義記曰國君不乘奇車獵衣之屬車上不廣欬妄指立視五雋式視馬尾顧不過執

蔡邕獨斷五路之外復設五色安車立車各一乘皆駕四馬是謂五時副車永安七年建金根耕根諸御車皆一轅或四馬或六馬金根箱輪皆以金鑄正黃兩臂前後刻金以作龍虎鳥龜形上但以青縑為蓋羽毛無後戶宋志禮論與駕議曰周則玉輅最尊漢之金根亦周之玉路也漢制乘輿金根車云云建太常十二旒駕六黑馬施十二鸞如周玉路之制

符瑞志有金車根車又五色安

車五色立車各五乘建龍旂駕四馬施八鸞餘如金根

之制猶周金輅也其車各如方色所謂五時副車俗謂

為五帝車也

江左闕 大明三年即以金根為金路 建安大青旂十有二旒駕玄馬四羽葆蓋

車者坐乘又有建華蓋九重凡婦人車皆坐乘周體王

后有安車而王無也

禮中車王后安車

漢制乘輿乃有之晉先

蠶儀皇后安車駕六以兩轅安車駕五為副江左駕四

而已 東京賦順時服以設副注五時之服各隨其車

車各一色以為副貳副車各一乘今謂之五帝車 傳

殺洛都賦列翠蓋方龍輶備五路之時副檻三辰之旗
旂傳說作僕義和奉時千乘雷駭萬騎星鋪班固東
巡頌翺六龍較五輅備天官之羽衛盛輿服而東行
馬融廣成頌乘輿乃以吉月之陽朔登于疏樓之金輅
六驕駛之玄龍建雄虹之旌夏揭鳴鳶之修幢曳長庚
之飛翬載日月之太常樓招搖與玄弋注枉矢與天狼
羽毛紛其影馳揚金燄而拖玉環杜欽對成帝曰數
御安車由輦道親二宮之饗膳通典安車制如金根

周致仕之老及后乘之 晉志車坐乘者謂之安車倚
乘者謂之立車亦謂之高車其色有青赤黃白黑立安
車合十乘名曰五時車建旂十二各如車色立車則正
豎其旂安車則邪注駕馬亦隨五時之色左右駢駟金
鍔鏤錫黃屋左纛如金根之制行則從後五牛旗平吳
後所造以五牛建旗車設五牛青赤在左黃在中白黑
在右豎旗於牛背行則使人與之蓋取負重致遠旗常
纓不舒所謂德車結旌也天子親戎則舒所謂武車纓

旌也

綏旌垂舒之也
色各一旗以木牛承其下

宋志云五

金根車駕四馬不建

旗幟其上如畫輪車下猶金根之飾元帝造大路戎路

各一即古金根之制過江之後無復五時車以馬車代

之建旗其上其後以五色木牛象五時車惟天子親戎

五旗舒旆

梁依晉置五牛旗車
五牛旗與五皆八人執之

唐志

潘岳藉田賦

表朱玄於離坎飛青縞於震兌中黃畢以發揮方綵紛

其繁會注謂安立車合十乘鹵簿之儀車騎旌旗各依

方色

黃香天子冠頌皇興幸夫金根六玄蚪之連蜺

建螭龍以為旂鳴節路之和鑾 初學記董巴輿服志

曰太后太皇太后法駕六御金根車 隋志司馬彪志

云漢備五輅或謂德車駕馬皆如方色漢太子諸王皆

乘金輅及安車

續志注魏武帝令問東平王有金路何意

漢芝車 耕根車 農輿 春路

後輿服志耕車其飾皆如金根有三蓋一曰芝車置轡
耒耜之簾上親耕所乘也注新論桓譚謂楊雄曰君為
黃門郎居殿中數見輿輦玉蚤華芝及鳳皇三蓋之屬

皆玄黃五色飾以金玉翠羽珠絡錦繡茵席東京賦曰
立戈迤戛農輿路木薛綜曰戈句矛戟戛長矛置車上
者邪柱之是謂戈路農輿三蓋所謂耕根車也車耕于
籍乘馬無飾故稱木也賀循曰漢儀親耕青衣轎東京
賦說親耕亦云鸞路蒼龍賀循曰車必有鸞而春獨鸞
路者鸞鳳類而色青故以名春路也賦又曰介御問以
剡耜薛綜曰天子車參乘帝在左御居中介處右以耒
置御之右

甘泉賦登鳳皇翳
華芝注華蓋也

漢籍田

文開籍 景親
耕 武之鉅定

昭之鈞盾 永平
下邳 元和定陶

晉志耕根車駕四馬建赤旗十

有二旒天子親耕所乘也一名芝車一名三蓋車置耒

耜于軾上秦始皇二年金根耕根車並建赤旗 通典晉

渡江闕宋大明制之乘以親耕駕蒼駟青旂明帝泰始

中乘木輅以耕南齊以侍中奉耒耜載於象輅後周碧

輅以耕藉隋乘木輅大業中制耕根車青質三重蓋羽

葆彤裝並同玉路駕六馬以青囊盛耒耜於上唐因之

隋志置耒耜於軾上即潘岳
所謂紺轅緹於璽耜者也

漢戎車 獵車 戎路

志戎車其飾皆如金根蕃以矛麾金鼓羽析

晉志作旂

幢翳

轡胄甲弩之箠

注漢制度曰戎立車以征伐

獵車其飾皆如之重輶

繆輪

宋志云轡輪

繆龍繞之一曰闌猪車親校獵乘之

魏文帝改

曰闌虎車

宋志云闌虎

禮儀志立秋之日乘輿御戎路白馬朱

鬣躬執弩射牲

馬融廣成頌屯田車於平原

曲禮

疏隱義曰獵車之形今之鈎車是也

晉志戎車駕四

馬天子親戎所乘置弩於軾上其建矛麾悉斜注獵車

駕四馬天子校獵所乘一名闐戟車一名蹋猪車

晉鹵簿闐猪車

駕駟中道無旗

魏文帝改名蹋獸車記云國君不乘奇車亦獵車

也古天子獵則乘木輅後人代以獵車 宋志戎車立乘

漢乘輿

東都大駕法駕

甘泉鹵簿

屬車

小駕

漢輿服制

後輿服志

即續志

漢乘輿大駕公卿奉引太僕御大將軍

參乘屬車八十一乘

屬言相連屬也

備千乘萬騎西都行祠天

郊甘泉備之官有其注名甘泉鹵簿東都唯大行乃大

駕大駕大僕校駕法駕黃門令校駕乘輿法駕八卿不在鹵簿中河南尹執金吾雒陽令奉引奉車郎御侍中

參乘屬車四十六乘

漢官儀屬車三十六乘

前驅有九旂雲罕鳳

皇關戟皮軒鸞旗皆大夫載鸞旗者編羽旄列繁幢旁

胡廣曰建蓋在中

民或謂之雞翹非也後有金鉦黃鉞黃門鼓

車古者諸侯貳車九乘秦滅九國兼其車服故大駕屬車八十一乘法駕半之屬車皆皂蓋赤裏木輜戈矛弩

箠尚書御史所載後一車懸豹尾

侍御史載之

豹尾以前比

省中

小學漢官篇曰豹尾過後罷屯解圓胡廣曰過後屯圓乃得解所以戒不虞

行祠天郊

以法駕祠地明堂省什三

一本云北郊明堂則省副車

祠宗廟尤省

謂之小駕每出大僕奉駕上鹵簿中常侍小黃門副尚

書主者郎令史副侍御史蘭臺令史副皆執法以督整

軍騎謂之護駕春秋上陵尤省於小駕

注應劭漢官鹵簿圖曰乘輿大

駕則御鳳皇車以金根為副

通典初秦有大駕之制漢武天漢四

年始定輿服之制郊祀所乘謂之大駕車千乘騎萬匹

其儀甚盛大駕八十一乘法駕三十六乘

紀天漢四年春正月朝諸

侯王于
甘泉宮

漢書驂乘高祖以夏侯嬰為太僕常奉車周

緹常為參乘代王令宋昌驂乘

師古曰乘車之法尊者居左御者居中又有一

人處車之右戎事稱車右餘曰驂乘

文帝就車召張釋之驂乘上朝東宮

趙談驂乘爰盜伏車前曰云云景帝幸上林詔中郎將

衛綰參乘金日磾出則驂乘宣帝始立謁見高廟大將

軍光從驂乘後車騎將軍張安世代光驂乘西都賦

乘鸞輿備法駕

薛綜注關戰曰關函也取四戰函車邊

西京賦乃駕彫

軫六駿駸戴翠帽倚金較瓊弁玉纓遺光儵爚建玄戈

植招搖栖鳴鳶曳雲梢弧旌枉矢虹旃蜺旒華蓋承辰

天畢前驅千乘雷動萬騎龍趨 東京賦及將祀天郊

報地功乃整法服正冕帶珩紃縱玉笄綦會火龍黼

黻藻綵盤厲結飛雲之袷輅

袷輅次車也

植翠羽之高蓋

次車

植翠羽為蓋今世謂之羽蓋車

建辰旒之太常紛飀悠以容裔六玄虬

之奕奕齊騰驤而沛艾龍輶華轍金鍍鏤錫方鈇

音左

轟鉤膺玉瓊

音襄

鸞聲噦噦和鈴鈇鈇重輪貳轄疏轂飛

軫羽蓋葳蕤葩瑤

音曲莖

獨斷曰凡乘輿車皆羽蓋金華爪

順時服而

設副咸龍旂而繁纓

五時之服各隨其車之方色

立戈迤戛

戛長農牙也

輿輅木

所謂耕根車

屬車九九乘軒並轂

屬車有藩者曰軒皆在後為三行

璫

伏

弩重旃朱旄青屋奉引既畢先輅乃發鸞旗皮軒

通帛葆旒雲罕九旂

旗名

鉞戟轆轤

而利反

髦被繡虎夫

戴鵲駙承華之蒲梢飛流蘇之騷殺總輕武於後陳奏

嚴鼓之嘈囂戎士介而揚揮戴金鉦而建黃鉞清道按

列天行星陳上林賦歷吉日以齋戒襲朝服乘法駕

建華旗鳴玉鸞

河東賦將謁汾陰于東郊於是命羣

臣齊法服整靈輿迺撫翠鳳之駕六先景之乘掉犇星之流旃彊天狼之威弧張耀日之玄旄揚左纛被雲梢奮電鞭驂雷輜鳴洪鍾建五旗義和司日顏倫奉輿

前漢傳周亞夫軍細柳文帝勞軍天子先驅至

導駕者若今武

候不得入天子按轡徐行為動改容式車梁孝王入

朝景帝使使持乘輿迎梁王於關下

臣瓚曰天子副車駕四馬

薛

廣德當乘輿車頓首翟方進曰丞相進見在輿為下

漢輶車

志太皇太后皇太后法駕皆御金根加交路帷裳

徐廣云非青帷裳

法駕則乘紫罽輶車雲襜文畫輶黃金塗五末蓋蚤左右駢

駕三馬長公主赤罽輶車大貴人貴人公主王妃封君油

畫輶車大貴人加節畫輶皆右駢而已

輶屏也有衣蔽有卽曰輶無卽曰輶

後魏志阮瞻禮圖云山輶車后行乘之紺罽輶車后小行

乘之

山輶車按圖飾以紫

禮巾車注翟車如今輶車是也后所乘

以出桑疏曰漢法輶車無蓋 吳志賜賀齊輶車駿馬

李尤小車銘

見後小車

晉志中宮初建及祀先蠶皆用法駕

漢王青蓋車 綠車

志皇太子皇子皆安車朱班輪青蓋金華蚤黑襜文畫幘

文輶金塗五末皇子為王錫以乘之故曰王青蓋車

徐廣曰
旂旗九

疏畫降龍魏武帝問東平王有金路侍中鄭稱對曰
天子五路金以封同姓諸侯得乘金路非特賜也

皇孫綠

車以從皆左右駢駕三

獨斷曰綠車名曰皇孫車天子有孫
乘之 宋志魏晉太子諸王皆駕四

諸車之文乘輿云云皇太子諸侯王倚虎伏鹿襜文畫輶

輶吉陽簫朱班輪鹿文飛輶旂旗九旂降龍 安帝紀以

玉青蓋車迎帝齋于殿中 鄧后紀太后賜周馥貴人王青

蓋車 前傳金涉為侍中使持幸綠車載送衛尉舍

如淳曰以

皇孫車送之寵之也

晉志皇孫綠蓋車

隋志皇嫡孫金輅綠質

降太子一等去盤輿重轂轅上起箱末以金飾旌七旒

漢安車 三公使車

後輿服志公列侯安車朱班輪倚鹿較伏熊軾皂繒蓋黑輻

右駢

車有輻者謂之駢

公列侯倚鹿伏熊黑輻朱班輪鹿文飛軛九

旂降龍卿朱兩輻五旂降龍二千石以下各從科品

鄭弘傳三公車

輻畫作鹿

蕭育傳為南郡太守上以育耆舊名臣乃以三公

使車載育入殿中受策注孟康曰三公奉使之車若安車也

漢皂蓋朱轡

後志中二千石二千石皂蓋朱兩轡千石六百石朱左轡中

二千石以上及使者乃有駢駕轡長六尺而後謙一寸若月

初生示不敢自滿景帝中元五年始詔六百石以上施車

轡得銅五末軛有吉陽簞

見前車服制度

景紀詔令長吏二千

石朱兩轡云云

見前

注師古曰轡車之蔽也左傳曰以藩載轡

蓋是有障蔽之事也黃霸傳守潁川賜車蓋特高一丈別

駕主簿車緹油屏泥於軾前以章有德 楊惲傳乘朱輪者
十人 王氏乘朱輪華轂二十三人 揚雄曰朱丹其轂

漢大使車 小使車 朱軒車

後輿服志大使車立乘駕駟赤帷持節者重導小使車不立
乘有駢赤屏泥油重絳帷導無斧車近小使車蘭輿赤轂白

蓋赤帷諸使車皆朱班輪四輻赤衡軛

舊典傳車駢駕乘赤帷裳唯郭賀為冀州

勅去
襜帷

列傳陳忠曰朱軒駟馬相望道路注朱軒車使者所乘

皇甫規上疏備單車一介之使勞來三輔 張綱分行州郡

埋其車輪於洛陽都亭 范滂為清詔使登車攬轡慨然有澄清

天下之志 楊雄方言輜軒之使 文選注班固曰朱軒之使

朱買臣傳注張晏曰故事大夫乘官車駕駟如今州牧刺史

漢屬車

詳見前
乘輿

晉屬車 玉輦

晉志一曰副車一曰貳車一曰佐車漢因秦制大駕屬車八十一乘行則中央左右分為行法駕屬車三十六乘最後車懸豹尾豹尾以前比之省中屬車皆皂蓋朱裏云 漢傳賈捐之對孝文帝詔曰鸞旗在前屬車在

後古行日五十里師行三十里注屬車相連屬而陳於

後

相如諫獵疏
屬車之清塵

揚雄當成帝時趙昭儀方大幸每上

甘泉常法從在屬車間豹尾中故揚雄作甘泉賦聊盛
言車騎之衆參麗之駕非所以感動天地逆釐三神注
師古曰法從者以言法駕從耳非失禮一曰從法駕也
服虔曰大駕屬車八十一乘作三行尚書御史中乘最
後一乘懸豹尾豹尾以前皆為省中 張敞諫曰昌邑
東迎之日惟恐屬車之行遲 嚴延年劾大司農田延

年持兵于屬車 韓嫣從上獵上林天子先使嫣乘副

車 東都賦先驅復路屬車按節 西京賦華蓋承辰

天畢前驅千乘雷動萬騎龍趨屬車之遙載獫獫狁匪

唯玩好亦有秘書 東京賦屬車九九乘軒並轂注副

車曰屬相連也

李善注引漢雜事同

蔡邕獨斷古諸侯貳車九

乘秦滅九國兼其車服故為八十一乘漢武祠太一甘

泉盡用之明帝上原陵又用之法駕三十六乘小駕十

二乘 賈誼新書天子佐輿十乘以明貴也 昭紀注

蔡邕云禁中門閤有禁非侍御之臣不得妄入行道豹

尾中 通典晉屬車因後漢制東晉屬車五乘加綠油

幢朱絲絡輪轂猶素其一車又是輅車舊儀天子所乘

駕六元明時屬車唯九乘太元中苻堅敗得車輦增為

十二乘晉復制御衣御書御輅御藥等車駕牛陽燧四

望憶皂輪小形

通典以周良車散車為屬車之流
周末諸侯有貳車秦有屬車

潘

岳賦前驅魚麗屬車鱗萃常伯陪乘太僕秉轡乃御玉

輦陰華蓋金根照耀龍驤沛艾

注玉輦大輦也大駕鹵
簿有大輦華蓋中道

五輅鳴鑾九旗揚旆瓊鉞入縹雲罕晡謁

漢象路 象車 皮軒 道車 游車 建華

車 九存車

司馬相如傳上林賦天子校獵乘鏤象六玉蚪拖蜺旌
靡雲旗前皮軒後道游孫叔奉轡衛公參乘扈從橫行出
乎四校之中注張揖曰鏤象象路也以象牙疏鏤其車
輅駕六馬以玉飾其鏤勒文穎曰皮軒以虎皮飾車天
子出道車五乘游車九乘在乘輿車前師古曰道游次

皮軒之後皮軒之上以赤皮為重蓋今此制尚存非猛

獸之皮飾車也 西京雜記漢鹵簿有象車鼓吹十三

人中道武剛車九游車雲罕車皮軒車關戟車鸞旗車

建華車並駕四中道 晉輿服志象車漢鹵簿最在前

後魏有象
輦駕白象 漢輿服志九旂注徐廣曰旂車有九乘前

史不記形武王克紂百夫荷罕旗以先驅東京賦曰雲

罕九旂薛綜曰旌旗別名上林賦
載雲罕 皮軒注胡廣曰以虎

皮為軒郭璞曰革車或曰即宋
志 即曲禮前有士師則載

虎皮

淮南子軍正執豹皮以制正其衆衆與豹尾亦具義類乎

通典皮軒車晉宋

駕四馬皆大夫載唐大駕鹵簿次辟惡車後漢制九旂

車九乘大駕為先乘

晉宋因之

校獵賦撞鴻鍾建九旒六

白虎

馬名

蚩尤並轂蒙公先驅

淮南子高帝建九旂乘

大路王元長文九旂齊軌注天子之車九乘名曰九

旂車開寶通禮義纂古有先驅清游車九乘前史不

記形飾唐禮遂無其制以清游隊白澤旗為前驅

漢瑞應車象載象輿

郊祀歌象載瑜白集西注師古曰山出象輿瑞應車也
瑞車瑜然色白而出西方 赤蛟章靈禋禋象輿犧
相如上林賦象輿婉憚於西清注師古曰象輿瑞應車
也西清西箱清靜之處大人賦駕應龍象輿之蠖略委
麗 顏延年馬賦代驂象輿注引韓子黃帝象車

漢雲罕車

相如上林賦載雲罕掩羣雅注張揖曰罕畢也前有九
旒雲罕之車 張衡東京賦雲罕九旒注薛綜曰雲罕

旌旗別名九旂亦旗名也 揚雄校獵賦罕車飛楊武

騎聿皇

師古曰罕之車

徽車輕武

師古曰建徽幟之車

續志法駕前

驅有九旂雲罕注武王罕旗先驅 西京雜記雲罕車駕

四中道

前天文志罕曰罕車為邊兵主弋獵

昂七星為旄頭

昂畢間為天街天子出旄頭罕畢以前驅

宋志薛綜東京賦注以雲罕九

游為旌旗別名亦不辨其形案魏命晉王建天子旌旗

置旄頭雲罕是知雲罕非旌旗也徐廣車服注以為九

游車九乘雲罕疑是畢罕畢罕本施游獵遂為行飾

潘岳藉田賦先叙五路九旗
次言瓊鉞雲罕宜是今軍綱

漢豹尾車

見上 古今注通典周制也象君子豹變以尾言者謙也

古者軍正建之 淮南子軍正執豹皮以正其衆 晉

志自豹尾車後而鹵簿盡 唐志豹尾車在黃鉞車後 駕二

馬右武衛隊正一人在車執之 西京雜記漢朝與駕

祠甘泉汾陰司馬車辟惡車記道車靖室車並駕四中

道 晉郭璞南郊賦云整豹尾於後屬 薛綜曰侍御

史載之

今唯乘與得建

漢安車蒲輪

武紀建元元年七月議立明堂遣使者安車蒲輪束帛

加璧徵魯申公

傳云安車以蒲裹輪駕駟

枚乘傳武帝以安車蒲

輪徵乘

郊祀志秦諸儒曰古者封禪為蒲車

以蒲裹輪

明紀永平二年十月行養老禮詔曰安車輦輪供綏執

授注以蒲裹輪

徐穉傳欲蒲輪聘穉

桓帝以安車玄纁召穉等

楊

厚傳贊仲威術深蒲車屢尋

旌帛蒲車之所召貴相望于巖中

宋志

梁惠王以安車駕三送淳于髡大夫之儀

史記云送以安車駕駟

張良傳太子安車迎四皓

嚴光傳光武以安車立

纁聘之

杜延年傳注安車坐乘之車

唐王起蒲輪

賦丘園共賁巖穴皆虛載脂載牽既攻既堅經營少澤
輶轡雲烟織而為席臧孫不仁緝以成宮令尹非禮旁
搜叢桂遠掇幽蘭 選注傳暢晉諸公贊曰傳祇

版輿上殿一名步輿周遷輿服雜事記曰步輿方
四尺素木為之以皮為襍捫之自天子至庶人通

得乘

漢安車駟馬

杜延年趙充國于定國薛廣德彭宣史丹史高劉常廣

陵王胥傳皆云賜安車駟馬

杜延年傳注安車坐乘之車也後漢與服志云公列

侯安車云云乘馬三駟

元鳳五年正月廣陵王來朝賜安車一

韋孟詩云懸車之

義以泊小臣

匈奴傳甘露三年賜呼韓邪安車一乘莽賜

單于安車鼓車各一

阜陵王傳章和元年詔賜安車

一乘 樊準傳言趙孝承宮安車結駟告歸鄉里 晉

志太康四年制依漢故事給九卿朝車駕四及安車各一乘 曲禮大夫七十適四方乘安車 晉王祥陳騫賜安車駟馬

漢駟馬車

列傳朱買臣拜會稽太守長安廩吏乘駟馬車來迎遂乘傳去 于定國父于公曰少高大閭令容駟馬高蓋車 韋玄成以列侯侍祀不乘駟馬車騎至廟下有司劾奏 後輿服志公卿中二千石郊廟明堂祠陵法出皆

大車立乘駕駟他出乘安車 續志注服虔曰大路總名也如今駕駟高車

漢乘傳 軺傳 軺車

帝紀高帝五年田橫乘傳詣雒陽注如淳曰律四馬高足為置傳四馬中足為馳傳四馬下足為乘傳一馬二馬為軺傳急者馳一乘傳師古曰古者以車謂之傳車其後又單置馬謂之驛騎 文帝從代令張武等六人乘六乘傳詣長安 平帝元始三年春詔親迎立軺併

馬注立乘小車併馬驪馬也五年正月召天下通曉逸經古記者在

所為駕一封軺傳注如淳曰律諸當乘傳及發駕置傳者皆持尺五寸木傳信封以御史大夫印章其乘傳參封之有期會累封兩端端各兩封凡四封也乘置馳傳五封之兩端各二中央一也軺傳兩馬再封之一馬一封也師古曰以一馬駕軺車而乘傳食貨志武帝筭軺車注軺小車也郊祀志與方士傳車求神仙列傳吳王濞攻梁壁袁盎歸報條侯乘六乘傳會兵滎陽

申公魯人武帝使使安車以蒲裹輪駕駟迎申公弟

子二人乘輅傳從

儒林

司馬相如建節往使西南夷馳

四乘之傳

朱買臣長安廐吏乘駟馬車來迎遂乘傳

去

昌邑王乘七乘傳詣長安邸

龔遂乘傳至渤海

界單車獨行至府

循吏

楊僕請乘傳行塞因用歸家

酷吏

鮑宣遷豫州牧行部乘傳去法駕駕一馬

龔勝曰

徵賢者宜駕上曰大夫乘私車來邪

京房行按郡請

乘傳奏事

梅福求假輅傳詣行在所條對急政注小

車之傳也 後傳晉琮為冀州刺史舊典傳車驂駕垂
赤帷裳迎於州界及琮之部乃命御者褰之 武紀注
漢舊儀云刺史常以秋分行部御史駕四封乘傳 後
輿服志注舊典傳車驂駕云云唯郭賀勅去檐帷 百
官志注刺史傳車周流匪有定鎮 風俗通今刺史行
部車號傳車 魏志漢刺史稱傳車其吏言從事居無
常治吏不成臣 晉志輅車古之時軍車也一馬曰輅
車二馬曰輅傳漢世貴輅駟而賤輅車魏晉重輅車而

賤輜輶三品將軍以上尚書令輅車黑耳有後戶僕射
但有後戶無耳並阜輪尚書及四品將軍無後戶漆轂
輪 宋志傳暢故事尚書令輅車黑耳後戶僕射但後
戶無耳中書監令如僕射 漢舊儀奉璽書使者乘馳
傳其驛騎也三騎行日夜千里為程 隋志輅車按六
韜一名遙車蓋言遙遠四顧之車也漢武帝迎申公弟
子二人乘輅傳從此又是馳傳車也晉氏鹵簿御史輅
車行中道晉公卿禮秩云尚書令輅黑耳後戶今輅車

青通轡駕二馬王侯入學五品朝婚通給之 左傳晉
以傳召伯宗楚子乘駟鄭子產乘遽

漢乘輿路車 車府

百官表路軫令丞注伏儼曰主乘輿路車

太初元年
初置路軫

五行志未央殿軾軫中注殿名軾與路同 藝文志車

郎張豐注如淳曰主車 後百官志車府令主乘輿諸

車 永平中車駕近出陰就干禁衛車府令徐正鈞就

車收其御者 丁孚漢儀皇后出車府令設鹵簿

漢軫獵車 小車

宣紀元平元年七月太僕以軫獵車奉迎曾孫庚申入未央宮注文穎曰軫獵小車前有曲輿不衣也李奇曰蘭輿輕車也師古曰未備天子車駕且取其輕便耳

又見

戰車類

百官表太僕有路軫令丞注伏儼曰主乘輿路

車又主凡小車軫今之小馬車曲輿也 後輿服志注

李尤小車銘曰軫之嘽虛疏達開通 曲禮注安車坐

乘若今小車也疏云漢世駕一馬坐乘 車千秋傳年

老朝見得乘小車 霍光傳昌邑王御小馬車注張晏
曰皇太后所駕遊宮中輦車也漢殿有果下馬高三尺
以駕輦 魏晉御小出常乘馬亦多乘輿車輿車今之
小輿

漢鼓車三

漢志黃門鼓車 燕王旦傳建旌旗鼓車 韓延壽傳
駕鼓車歌車注孟康曰如今郊駕時車上鼓吹也 漢
光武紀以千里馬駕鼓車 南匈奴傳光武詔賜鼓車

晉志鹵簿戟鼓車駕牛二乘分左右

漢相風車

崔豹古今注伺風鳥夏禹所作也 西京雜記相風鳥

車駕四中道 漢西京鹵簿有相風車 晉令曰車駕

出入相風以前侍御史令史

周禮無之何承天謂戰國師旅數出懸鳥之設務察

侵風 周遷輿服雜事曰相風周公所造即鳴鳶之象後

改為烏隋為車唐為輿

宣和鹵簿記

傳玄相風賦蛺蝶盤獸

以為趾建修竿之亭亭棲神鳥於竿首俟祥風之來征

張華賦爰在保章世序其職辨風候方必立準極眇
修幹之迢迢凌高墉而莖植玄鳥偏其增翥晞雲霄而
矯翼步元氣於尋木寄先識於茲禽既在高而思危又
戒險而自箴 潘岳賦棲靈鳥於帝庭似月離乎紫宮
飛輕羽於竿杪若鸞翔乎雲中廣莫興而習坎景風發
而邈離閭闔揚而西指明庶起而東移 陶侃賦華蓋
擎乘奉引先驅豹飾在後歲蕤清路

漢指南車

見後

漢輜車乘馬

桓榮傳建武二十八年拜張佚為太子太傅以桓榮為少傅賜以輜車乘馬榮大會諸生陳其車馬印綬曰今

日所蒙稽古之力也可不勉哉

字林曰輜車有衣蔽無後轅有後轅者謂之輜

有邸曰輜無邸曰輶

輶贊曰五更待問應若鳴鍾庭列輜駕堂修禮

容穆穆帝則擁經以從張良傳強載輜車注衣車也

周禮良車散車注若今輜車後戶之屬疏曰漢時輜

車與古者從軍所載輜重財貨之車皆車後開戶 宋
志傳玄子曰周曰輜車輜車即輦也 列女傳齊孟姬
曰妃后踰闕必乘安車輜輶今立車無輶非所敢受命
也使者更取安車

漢玉輅 彫玉輿 輦

東都賦登玉輅乘時龍鳳蓋焚麗和鑾玲瓏天官景從
稜威盛容山靈護野屬御方神雨師泛灑風伯清塵干
乘雷起萬騎紛紜 東京賦天子乃撫玉輅時乘六龍

發鯨魚鏗華鍾大丙弭節風后陪乘攝提運衡下彫輦

於東廂 甘泉賦方玉車之十乘肆玉軼而下馳

注以玉飾

車

子虛賦楚王乘彫玉之輿陽子驂乘纖阿為御

隋志輿漢室制度以彫玉為之方徑六尺

爰益曰天子所與共六尺

輿者皆天下豪英上笑下談

通典夏氏制輦秦為人君之乘漢因

之以彫玉為之方徑六尺或使人輓或駕果下馬 選

注王符羽獵賦天子乘碧瑤之彫軫建曜天之華旗

漢龍輅 大輅

東京賦龍輅充庭 西都賦大輅鳴鑾容與徘徊後宮乘輅

輅

張衡思立賦輶琚輿而植葩擾應龍以服輅琚以玉飾

絕建華蓋僕夫儼其正策八乘攄以超驤左青琚青文龍以捷

芝蓋右素威白虎以司鉦前長離使拂羽委水衡於玄冥

曳雲旗之離離鳴玉鑾之嚶嚶

漢六輦

六典注古謂人牽為輦

秦始皇去其輪而與後漢有乘之漢為人君之乘

輿六輦 通鑑文帝每朝郎官上書疏止輦受其言輦

過郎舍問馮唐梁王入侍景帝同輦出同車遊獵上林

中 漢武故事武帝輦過郎舍

劉更生傳為輦郎

注如

今引御輦郎

張敞傳諫昌邑曰小輦先遷

李奇曰挽輦小臣也

後

祭祀志光武封禪御輦升山 隋志漢成帝遊後庭乘

之徐爰釋問曰天子御輦侍中陪乘 齊志叔孫通傳

云皇帝輦出房成帝輦過後宮此朝宴並用也輿服志

云輦車具金銀丹青采艤雕畫蒲陶之文乘人以行

晉中

朝又有香衣輦

宋志輦車周禮王后五路之卑者后從容宮

中所乘非王車也漢制乘輿御之或使人輓或駕果下馬成帝欲與班婕妤同輦

漢羽蓋車

又見劍戟類

葆車

後輿服志乘輿羽蓋華蚤注徐廣曰翠羽蓋黃裏所謂黃屋車也東京賦云云薛綜曰植翠羽為蓋如雲龍矣

東京賦植翠羽之高蓋

注薛綜曰今世謂之羽蓋車

楚王英傳

赤綬羽蓋華藻如嗣王儀

虞延傳光武到魯還經封

丘城門門下小不容羽蓋

陰興傳每從出入常操持

小蓋障翳風雨 前外戚傳上官桀從武帝上甘泉天

大風桀奉蓋雖風常屬車 周禮王后輦車有羽蓋注

以羽作小蓋為翳日 道右王下則以蓋從

注表尊疏非謂在車

時 輪人注乘車無蓋

周禮五路建旌旗故無蓋

疏凡蓋所以表尊

亦所以禦雨 光武紀建武十三年益州傳送公孫述

葆車輿輦於是法物始備注葆車謂車上建羽葆也

西京賦垂翟葆建羽旗 韓延壽傳在東郡試騎士治

飾兵車植羽葆 成帝升車正立不內顧疾言親指

東京賦君人車中不內顧珮以制容鑾以節塗行不變
玉駕不亂步

漢鸞旗車

見上

漢重翟車

宋志漢制太皇太后皇太后皇后法駕乘重翟羽蓋金
根車 隋志漢制后法駕乘翟車 周禮疏凡言翟者
謂翟鳥之羽以為兩旁之蔽重翟者皆二重為之厭翟

者謂相次以厭其本翟車者不厭其本也翟車有幄無蓋安車重翟無幄而有容蓋西都賦注應劭漢官儀曰皇后婕妤乘輦餘皆以茵四人輿以行

漢充庭車

和紀安帝永初四年春正月元日會徹樂不陳充庭車注每大朝會必陳乘輿法物車輦於庭故曰充庭車以年飢故不陳晉志建武十三年吳漢平蜀始送葆車輿輦充庭之飾漸以周備東京賦孟春元日羣后旁

戾龍輅充庭雲旗拂霓 周禮春官典路大祭祀則出
路大賓客亦如之注漢朝上計律陳屬車于庭 叔孫
通傳長樂朝儀廷中陳車騎 宋志舊有充庭之制臨
軒大會陳乘輿車輦旌鼓于殿庭晉江左廢宋大明中
脩復

漢赤車

鮮卑傳安帝永初中詣闕朝賀賜赤車參駕 前南
越傳桂蠹注蘇林曰漢舊常以獻陵廟載以赤轂小車

魏志注西京太常行陵赤車千乘

漢鸞路 金輅

晉志元帝大興三年皇太子釋奠制曰今草創未有高車可乘安車太元中東宮建乘路有青赤旂致疑徐邈

議太子既不備五路赤旂宜省漢制太子鸞路皆以安

車為名

安帝為太子乘石山安車制如金路義不經見張敞晉東宮舊事太子鹵簿有黃麾徐廣

東宮頌曰龍旗鸞旌

晉東宮舊事曰皇太子初拜有石山安車一建九旗青色四馬

宋志魏

晉之制太子及諸王皆駕四泰始三年制太子安車乘

象路四年九月甲戌議東宮車服降天子二等駟駕四馬乘象輅降龍碧旂九葉 隋志漢太子乘金輅及安車宋起居注泰始四年尚書令休仁議天子之元子士也故齒胄於辟雍欲使知教而後尊既命之後禮同上公天子賜之金輅但減旂章為等級自晉過江唯有太子禮秩崇異又乘山石安車義不經見事無所出賜金輅者此為古制降乘輿二等駕用四馬皇太子輅古者金飾宋齊以來並乘象輅皇太子鸞輅駕三馬左右駢

朱班輪倚獸較伏鹿軾九斨畫降龍青蓋畫輻文輶黃
金塗五末近代亦謂之鸞輅即象輅也梁東宮初建及
太子釋奠元正朝會則乘之以畫輪為副若常乘畫輪
以輅衣書車為副畫輪車上開四望綠油幢朱繩絡兩
箱裏飾以錦黃金塗五末隋太子金輅赤質制同副車
安車班輪赤質制略同乘輿駕四馬 唐儀衛志皇太
子出金路駕四馬駕士二十三人僕寺僕馭次副路
後魏志皇太子皇子鸞輅立乘畫輶龍首朱輪繡轂綵

蓋朱裏龍旂九旂畫雲棧皇子封則賜之皆駕駟又有
輅車緇漆紫轆朱裏駕一馬為副乘

漢鳩車

博古圖二器狀鳩鳩形置兩輪間輪行則鳩從之前一
器漢物也後一器六朝物也杜氏幽求子謂兒年五歲
有鳩車之樂七歲有竹馬之歡

漢車 車銘

食貨志漢初天子不能具醇駟將相乘牛車

晉志武帝後諸侯王

弱者乘牛車

後漢服志景帝中元五年詔賈人不得乘馬

車周官注漢制定張車羸蘭車然不可攷衛綰傳

以戲車為郎注師古曰戲車若今之弄車之技

西京賦建戲車

植修旂百馬同轡騁足並馳

烏孫傳馮夫人錦車持節

注服虔曰以錦衣車

也

漢有衣車厨車軒車藩車輓輅輿轎唐志開成

未定制宰相三公師保尚書令僕射諸司長官及致仕

官病疾許乘檐如漢魏載輿步輿之制李尤小車銘

見小車

傅毅車左銘

東京賦注云崔駰

君子建左法天之陽正

立授綬車中不顧塵不出軌驚以節步彼言不疾彼指
不躬遠覽于道以思厥中

魏司南車

魏紀明帝青龍三年注魏畧曰通引穀水過九龍前為
玉井綺欄蟾蜍含受神龍吐出使博士馬均作司南車
水轉百戲歲首建巨獸魚龍曼延弄馬到騎備如漢西
京之制 韓非子先王立司南以端朝夕

晉五路法車 金鷄車

晉輿服志玉金象革木等路是為五路並天子之法車
皆朱班漆輪畫為檠文三十輻法月之數朱橑二十八
象宿兩箱之後皆玳瑁為鵠翅加以金銀彫飾世俗謂
之金鵠車轅皆曲向上取禮緯山車垂鈎之義

其制重
較貳轡

有黃屋左
纛有飛輪

玉路最尊建太常十有二旂九仞委地畫日

月升龍以祀天金路建大旂九旂以會萬國之賓亦以
賜上公及王子母弟象路建大赤通赤無畫視朝亦所
以賜諸侯革路建太白以即戎兵事亦以賜四鎮諸侯

木路建大麾以田獵其麾色黑亦以賜藩國玉輅駕六

黑馬餘四路駕四馬

齊志五路江左相承駕四馬左右駢為六

並以黃金為

文髦插以翟尾象鑣鏤錫金變方鉞繁纓赤罽易耳金

就十有二五路皆有錫鸞之飾和鈴之響鈎膺玉環龍

輶華轡朱幘法駕行則五路各有所主不俱出臨軒大

會則陳乘輿車輦於殿庭武帝始備五路江左闕其三

元帝始造大輅戎輅各一因金根飾皆駕黑馬而已

齊志

江左之始但有金戎省九庭之儀

通典晉武受禪設五輅並為法駕

旗旂服用悉取周制文物華藻因金根車更增其飾宋
大明三年始備五路四年有司奏南郊舊儀乘金根宜
改為玉輅初左丞荀萬秋造五路玉輅擬金根而赤建
青旂施羽葆蓋

因漢之安車

以金根為金輅建大青旂象革

輅建赤旂木輅建赤麾六年始制法駕五輅俱出

舊法駕出

五輅各有所主不俱出

齊永平初伏曼容議車旗先青加玉輅為

重蓋樓寶鳳皇綴金鑷珠璫金龍銜五采旄建武中省
之梁天監三年旗麾同用赤而旂不異陳天嘉初錯綜

漢晉舊飾造五輅元魏大和中李韶制五輅

太和十五年五月丙

辰初造五輅各依方色駕五馬十二等曰蒼青朱黃白玄玉碧金

後周司輅皇帝之輅衆革木隋開皇元年

改造玉輅

宋志江左副車五乘孝建三年五月壬戌尚書

令宏議案周官云上公九命貳車九乘侯伯七子男五

然則帝王十二乘詔可晉氏江左六駕未立故郊祀用

法駕宗廟以小駕齊志晉摯虞治禮議五輅制度

晉金根車 五時車

見上

見漢金根車

晉雲罕 皮軒 鸞旗 建華 司南 記里

鼓車

志游車九乘駕四先驅之乘也雲罕車駕四皮軒車駕四以虎皮為軒鸞旗車駕四先輅所載析羽旄編之列繫幢旁建華車駕四凡二乘行則分居左右輕車駕二古之獸車也建矛戟麾幢置弩箠於軾上司南車一名指南魏馬鈞作駕四馬如樓三級四角金龍銜羽葆刻木為仙人衣羽衣立車上記里鼓車駕四形制如司南其中

有木人執捷過江亡失義熙五年劉裕屠廣固復獲焉

使工人張綱補緝十三年九月定關中又獲司南記里

諸車制度始備

齊加華蓋畫鼓機在內

宋志晉代又有指南舟

晉畫輪車

四望車

象車

漢象車

志畫輪車駕牛以綵漆畫輪轂上起四夾杖左右開四

望綠油幢朱絲絡青交路形制如輦下如犢車

大駕次羊車後

通典宋齊梁相

因為羣公所乘陽遂四望阜輪小形車駕牛

東宮舊儀皇太子及

妃皆有畫輪四望車東宮舊事

皇太子初拜有畫輪四望車象車漢鹵簿最在前武帝

太康中平吳後南越獻象詔作大車駕之以載黃門鼓吹
數十人使越人騎之元正大會駕象入庭中朝大駕鹵簿
先象車鼓吹一部十三人中道

通典大駕行則試橋道
後魏有象輦駕白象四

望車駕牛中道 魏舒傳武帝詔給陽燧四望小車 隋

志畫輪車制同犢車金飾青油幢紫幟網太子綠幢青幟

晉駕路 雲母車

志皇太子安車駕三左右駢朱班輪倚獸較伏鹿軾九
旒畫降龍青蓋金華蚤二十八枚黑幟文畫輜文輶黃

金塗五采亦謂之鸞路非法駕則乘畫輪車上開四望

綠幢朱絡副車三乘不畫輪

隋志云即象路也

王青蓋車皇孫

綠蓋車駕三左右駢雲母飾犢車臣下不得乘以賜王

公

傅子曰以雲母飾車

皇后先蠶乘油畫雲母安車駕六騄馬

淺騄

黑色

安平王孚傳武帝給以雲母輦青蓋車

孝武紀

太元八年謝玄破苻堅獲輿輦及雲母車後魏志晉

先蠶儀注皇后乘雲母安車駕六騄按周秦漢晉車輿

儀式互見圖書雖名號小異畧相依擬金根雖起自秦

造即殷遺制阮氏圖桑車亦飾以雲母晉之雲母車與周翟車其用正同安車名同周制用同重翟山輶車按圖飾以紫紺罽輶車雖制異厭翟而實同用陸機詩銅輦太子車也

晉皂輪

志駕四牛制如犢車皂漆輪轂青油幢朱絲絡諸王三公有勲德者特加之或四望三望夾望車油幢駕牛不漆轂制如皂輪王公大臣有勲德特給之輶車古軍

車也一馬曰軺車二馬曰軺傳漢貴輜輶魏晉重軺車
尚書令軺車黑耳後戶鹵簿御史軺車行中道陶侃
傳元帝假侃赤幢曲蓋軺車鼓吹盧欽傳給追鋒軺
車一乘第二駙馬二乘騎具刀器御府人馬鎧

晉追鋒車

志追鋒車去小平蓋加通幟如軺車駕二追鋒之名蓋取其迅速也施於戎陳之間是為傳乘 魏志司馬望給追鋒車一乘 杜預傳拜鎮南大將軍都督荊州給

追鋒車第二駟馬 盧欽傳給追鋒軺車 泰始九年
鄭冲何曾進太宰朝會劔履乘輿上殿如漢相蕭何田
千秋魏太傅鍾繇故事

晉金鉦車 金鉞車 黃鉞車 金鉦輦

志中朝大駕鹵簿金鉞車金鉦車並駕三中道戟鼓車
駕牛二乘分左右黃鉞車駕一在左輦自過江亡制度
太元中謝安率意造焉及破苻堅獲京師舊輦形制無
差大小如一人服其精記義熙五年劉裕執慕容超獲

金鉦輦豹尾舊式猶存 通典晉有金鉞車金鉦車駕
三馬 唐黃鉞車貞觀後備於大駕鹵簿天寶元年改
為金鉞車

晉時路

樂志夏苗田王軍啓八門行同上帝居時路建大麾雲
旗翳碧虛

晉安車

宋禮志晉元帝太興三年太子釋奠詔曰未有高車可

乘安車高車即立乘車也 傳暢故事三公安車駕三

特進駕二卿一太康四年詔依漢故事給九卿朝車駕

及安車各一乘

去位致仕皆賜安車四馬

晉令王公之太子安車

駕三旂七旒其侯太子五旒

晉先蠶儀注皇后乘油

畫雲母安車駕六驪馬油畫兩轅安車駕五驪馬為副

公主油畫安車駕三三夫人青交路安車駕三皆以紫

絳罽車駕三為副九嬪次婦輶車駕二宮人輜車駕

一王妃公侯特進夫人封君皂交路安車駕三

晉大輦

文選藉田賦御玉輦陰華蓋注臧榮緒晉書曰大駕鹵簿有大輦華蓋中道玉輦大輦也 隋志輦制象輅車而不施輪通幰朱絡飾以金玉

梁鼓吹車 隋白鷺車 梁大輦

志鼓吹車上施層樓四角金龍銜梳蘇羽葆凡鼓吹陸則樓車水則樓船在殿庭則畫筍簾為樓樓上有翔鷺樓鳥或為鵠形 通典隋制白鷺車上施層樓有翔鷺

唐因之駕四馬大駕出在記里鼓車後 本朝志一名
鼓吹車赤質上有朱柱貫五輪繡飛鷺柱杪刻木為鷺
銜鵝毛筩紅綬帶一轅駕四馬 六典注古之輦輿大
率以六尺為度齊武帝造大小二輦下柵轅輒金花銀
獸梁大輦中方八尺左右開四望金鸞樓輒 梁大同
五年正月丁巳賀琛奏二郊藉田御輦不復乘輅從之
郊祀宗廟仍乘玉輦一云佩輦改素輦名大同輦辛未
祀南郊

唐五路 屬車十乘 十二乘 車輿衣服令

車服志唐初受命車服因隋舊武德四年始著車輿衣服令上得兼下下不得僣上凡天子之車曰玉路者祭祀納后所乘也青質玉飾末金路者享射祀還飲至所乘也赤質金飾末象路行道所乘也黃質象飾末革路臨兵巡守所乘也白質輓以革木路蒐田所乘也黑質漆之五路皆重輿左青龍右白虎金鳳翅畫莖文鳥獸黃屋左纛金鳳一鈴二在軾前鸞十二在衡龍輶前設

障塵青蓋三層繡飾上設博山方鏡下圓鏡樹羽輪金
根朱班重牙左建旂十有二旒畫升龍具長曳地青繡
綢杠右載關戟長四尺廣三尺蔽文旂首金龍銜錦結
綬及綏帶垂鈴金鍔方鉞插翟尾五焦鏤錫鞶纓十二
就旌旗蓋鞶纓皆從路質惟蓋裏皆用黃五路皆有副
耕根車者耕籍所乘也青質三重蓋餘如玉路安車者
臨幸所乘也制如金飾重輿曲壁紫油繡朱裏通幃朱
絲絡網朱繁纓朱覆髮具絡駕赤駟副路耕根車安車

皆八鸞

耕根駕六馬
安車駕四

四望車制如安車青油繡朱裏

六

注駕四馬

又有屬車十乘一曰指南二曰記里鼓三曰白鷺

四曰鸞旗五曰辟惡六曰皮軒七曰羊車

駕果下馬一

與安

車耕根四望車為十乘

會要武德初著令天子鸞輅

五等屬車十乘貞觀元年十一月始加豹尾車黃鉞車

通為十二乘行幸陳于鹵簿則分前後大朝會則分左

右施於儀仗之中

通典大駕屬車十二乘分前後
典注十二乘駕牛駕士各八人儀衛

六

志同開元定禮又別設屬車十二乘

天寶元年改黃鉞為金鉞國朝復舊

高祖太宗大禮乘

大路高宗不喜乘每大禮則御輦開元十一年冬祀南郊乘輅而往禮畢騎還自是行幸郊祀皆騎於儀仗之內其五輅膏輦陳於鹵簿而已會昌六年十一月太僕寺重修御輅法駕等車二十四乘并調馬拖車十三乘

六典乘黃令掌天子車輅辨其名數

五輅 副車 屬車十二

大

駕則大僕卿馭五路駕士各三十二人

駕六馬五副路 駕四駕士二十

八五輅皆有副車隋開皇十四年始造五路及副百

官志大僕卿行幸供五路屬車

奉車都尉 掌馭副車

駕部掌輿輦

車乘之籍尚輦局掌輿輦

內官有司輿與輿字輿

乘黃令供

車路

有羊車小史十四人

左尚令供五路五副七輦十二車

六典有三輦

及皇太子王公之車路

隋何稠傳舊制

五輅於輅上起箱天子與參乘同在箱內稠以為君臣同所為相偈乃廣為盤輿別設闌楯侍臣立於中其內復起平坐天子獨居其上 隋閭毗傳

帝曰開皇之日屬車十二乘今八十一乘欲減之毗曰八十一乘起於秦遂為後式次及法駕三分減一為三

十六乘此漢制也晉遷江左唯設五乘宋孝建時設十二乘開皇平陳因以為法今憲章往古大駕依秦法駕依漢小駕依宋以為差等帝曰大駕宜三十六法駕宜十二小駕除之通典開皇元年李德林等奏廢後魏輿輦唯留太和時李韶所制五輅隋五輅遠酌周禮旗旂藻飾近約漢制文質相半唐因之隋志皇后屬車三十六乘

唐皇后六車

志皇后之車六重翟車受冊從祀饗廟所乘也青質青
油纁朱裏通幟繡紫絡帶及帷八鸞鏤錫鞶纓十二就
金鈐方鈇樹翟羽朱總厭翟車親桑所乘也赤質紫油
纁朱裏通幟紅錦絡帶及帷翟車歸寧所乘也黃油纁
黃裏通幟白紅錦絡帶及帷三車皆金飾末輪畫朱牙
箱飾翟羽朱絲絡網鞶纓色皆從車質安車臨幸所乘
也制如金路紫油纁朱裏通幟四望車拜陵所乘也青
油纁朱裏通幟金根車常行所乘也紫油纁朱裏通幟

後魏金根車公主得乘之但右駢

夫人乘厭翟車九嬪乘翟車婕妤以

下乘安車外命婦公主王妃乘厭翟車一品乘白銅飾

犢車青油纁朱裏通幃朱絲絡網二品以下去油纁絡

網四品有青偏幃官志內僕局令掌中宮車乘禮

志納皇后制書以油絡網犢車載之內僕進重翟以下

於大門之外皇太子納妃內殿尉進厭翟

唐皇太子三車

志皇太子之車三金路

駕赤駢四

從祀朝賀納妃所乘也赤

質金飾末重較箱畫莖文鳥獸黃屋伏鹿軾龍輶金鳳
一在軾前設鄣塵朱黃蓋裏輪畫朱牙左建旂九旒右載
闌戟旂首金龍銜結綬及鈴綏八鸞二鈴金鈹方鈇樹
翟尾五焦鏤錫鞶纓九就輅車駕一馬五日常服朝饗官
臣出入行道所乘也四望車駕一馬臨弔所乘也二車皆
金飾末紫油纁朱裏通幟官志僕寺掌車輿乘騎儀
仗太子出則率殿牧令進路親馭率更令出入乘輅車
為導禮志冊太子僕進金路納妃升金輅開元二

十六年七月己巳御宣政殿冊太子故事太子乘輅至殿門至是太子不就輅自其宮步入

唐王公車路

車服志親王及武職一品有象路青油纁朱裏通幟朱

絲絡網

大駕五輅其質有五王公象輅以下其質皆朱

二品三品有革路朱裏

青通幟四品有木路五品有輅車皆碧裏青偏幟象路

象飾末班輪八鸞左建旂畫升龍右載闔戟革木路左

建旌輅車曲壁碧裏青通幟諸路朱質朱蓋旂朱班輪

一品之旌九旒二品八旒三品七旒四品六旒繁纓就
亦如之三品以上珂九子四品七子五品五子六品以
下去通轡及珂王公車路藏于太僕受制行冊命則給
之餘皆以駢代車開成未定制宰相三公師保尚書令
僕射諸司長官許乘檐如漢魏載輿步輿之制官志

車府令掌王公以下車路

六典車輅四曰象革木輅輅
車後周諸公之輅九三公

之車
輅九

唐七輦

唐舊制輦有七大鳳大芳小輕仙遊芳亭大玉小玉輦

有三五色常平腰

大駕鹵簿先五路行宗以輦不中禮廢不用

玄

官志尚

輦局尚輦二人七輦主輦各六人掌輦四十二人奉輦

十五人

龍朔二年改曰奉輦局

左尚令供七輦

儀衛志大輦一

方輦一小輦一腰輦小輿一

李叔明傳朝京師賜錦

輦令官士肩舁以見

閻立德傳武德初制腰輿有典

法周中車王后有輦車小司徒掌車輦漢以彫玉

為之方徑六尺晉大駕有大輦華蓋中道梁有蓬輦

後周閱視武庫得魏舊物有乾象輦駕二十四馬又有大樓輦車駕二十牛象輦駕二象皆魏天興中所製隋開皇元年以非古制皆廢毀隋有六輦大禮乘

之

六典注

唐金輅

裴寂傳貞觀初

三年十二月

太宗親郊命寂與長孫無忌升

金輅

舊史云御大輦引陪乘

寂辭帝曰公有佐命勲無忌宣力王

室非二人誰可參乘者遂同載歸李勣傳振旅還王為

上將勛為下將皆服金甲乘戎輅告捷于廟

唐指南車 記里鼓車 五牛旗輿

儀衛志指南車記里鼓車皆四馬有正道匠一人駕士十
四人皆平巾幘緋衫太卜令一人居辟惡車服如飲飛
執弓箭次相風輦行漏輦正道匠一人五牛旗輿五赤
青居左黃居中白黑居右皆八人執之平巾幘衫從旗
色 會要元和十年十月閱新作指南車記里鼓車於
麟德殿 舊紀穆宗元和十五年十月辛巳金公亮修

成指南記里鼓車 柳宗元記里鼓賦觀其象可以守
威儀之三千節其音可以表吉行之五十配和鸞並司
南載考載擊匪疾匪徐

唐蒲車

隱逸傳玄宗在東宮表以蒲車召王友貞不至 禮志
老更乘安車

唐相風輦

儀衛志大駕鹵簿有相風輦其鼓吹有柶鼓金鉦

宋朝玉輅 唐顯慶輅 慶厯金玉輅

三朝志玉輅之制箱上置平盤黃屋四柱皆油畫刻鏤
左青龍右白虎金塗銀裝間以玉飾云云左建青旂右
載闕戟青繡綢杠金輅色赤象輅淺黃革輅黃木輅黑
副輅當用銀飾者皆以銅初五輅副輅輿輦多仍唐舊
而玉輅自唐顯慶中傳之號顯慶輅太僕所藏親郊則
乘之制度精巧行止安重載太常闕戟分左右均輕重
後世良工莫能為之自唐至本朝凡三至太山登封世

傳神物護之 祥符二年四月庚寅別飾玉輅奉天書

題曰天書玉輅九年十二月二十五日崇政殿觀天書

金輅明道二年二月三日己亥御天安殿

即大慶殿

門閱太

僕寺新製車輅景祐五年七月十一日丙午詔太常禮

院詳定鹵簿儀物未合典制者釐正之玉金輅重加修

飾唯二路旂戟有金塗銀龍頭餘則否既成八月庚辰

親閱於大慶殿門慶厯七年將郊祀正月十六日辛卯

御大慶殿門閱新作金玉輅制頗崇廣皇祐二年大享

明堂詔試二輅新輅頗減其崇舊輅亦修飾九月五日詔明堂法駕乘新玉輅舊輅亦從行及宿太廟詔朝饗禮畢乘舊玉輅以還

沈括云慶厯玉輅乘之動搖遂不用

元豐四年十一

月己丑禮文所依周禮增製五輅六年正月丁丑朔大慶殿受朝先夕陳諸庭夜半撤幕屋新玉輅厯焉自是乘舊輅四朝志熙寧七年詔太常看詳兵部大駕鹵簿字圖奏言諸輅之副宜次正輅除去羊車五牛旗元豐初

四年十二月己丑

禮文所言古者五輅載旗謂之道德之

車漢鹵簿前驅有鳳皇闌戟猶未施於五輅江左乃加
綦戟於車之右請去闌戟而建太常又增近臣一員立
車右又請用金輅至太廟祠畢御玉輅詣郊其後製五
輅

王建太常金大斨象大赤革
大白木大麾仍存闌戟焉

政和三年四月二十九

日議禮局上車輅之制大朝會冊命設五輅於大慶殿
庭為充庭之儀四年改修正副輅斨常並建於左右遂
去闌戟十二月庚午改脩五輅又增造大路

建隆大輦 祥符登封輦 紹興大安輦

建隆四年南郊翰學陶穀創意造大輦赤質正方油畫

金塗銀葉龍鳳裝祀郊謁廟省方還都用之祥符初元

元年

東封命更造以舊輦重減七百餘斤後常用焉祥符

元年東封六月丁巳別造升山天平輦施機關名登封

輦

今平輦制因此

二年五月乙卯朔詔以天平輦為登封辟塵

逍遙輦為省方加憲隔黃繒為裏周廣順中廢殿中

細仗內芳亭鳳輦小輿建隆四年復用之

芳亭輦黑質鳳輦赤質小

輿亦質又有腰輿香燈

宋朝鹵簿以象居先又有涼車逍遙輦

平頭輦 乾興元年九月己丑禮院造皇太后輦名曰
大安紹興十三年正月十五日製大安輦

建隆五時副輅

四年八月辛丑始復制大駕五時副輅各一

乾德進賢車 明遠車 崇德車

進賢車古安車也乾德元年八月改赤質兩壁紗窻一

轅緋幟紅絲網中設朱漆床香案朱漆行馬駕四馬

周制

致仕之老明遠車古四望車也

齊亦曰
皂輪車

駕以牛乾德元

年八月改仍駕四馬赤質制如屋重欄上有金龍四角垂銅鐸上層四面垂簾下層周以花板三轅崇德車本秦辟惡車

見古注

上有桃弧棘矢以攘却

不祥乾德元年八月改赤質四角刻辟惡獸中載黃旗亦繡此獸太卜令在車中執旗駕四馬宣和元年禮制局請以巫易大卜弧矢易辟惡獸從之

三朝志耕根車制如五輅駕六青馬羊車

亦為畫輪車

赤質

兩壁畫龜文金鳳翅門簾繡瑞羊指南車記里鼓車白

鷺車

一名鼓吹車

繡飛鷺一轅鷺旗車赤質曲壁一轅上載

赤旗繡鷺鳥皮軒車以虎皮為軒赤質曲壁黃鉞車赤

質曲壁

駕赤馬二

中設黃鉞左武衛隊正在車中執鉞豹尾

車上載朱漆竿首綴豹尾右武衛隊正執之屬車唐大

駕用十二乘皇朝因之黑質兩箱金裝前有曲闌金銅

飾上施紫通幃絡帶門簾皆繡雲鶴紫絲網幙錯每乘

駕三牛 四朝志宣和六年七月禮制局言鹵簿記有

白鷺鷥旗皮軒三車其制非古按曲禮曰青旌鳴鳶飛

鴻虎皮貌貅欲改五車相次於中道繼之以崇德車

開寶鈺鼓行漏十二神輿

三朝志相風烏輿上載長竿竿杪刻木為烏垂鵝毛簫紅綬帶下承以小盤周以緋裙繡烏形交龍鈺鼓輿各一皆刻木為二青龍相交一挂畫鼓一挂金鈺有緋蓋亦繡交龍鐘鼓樓各一

本隋大駕鐘車鼓車也

刻木為屋中置鐘

鼓下施木臺長竿行漏輿隋大業行漏車也設刻漏如

稱衡首垂銅鉢末有銅像漆櫝貯水渴烏注水入鉢中

十二神輿赤質四門旁刻十二辰神緋繡輪衣絡帶自

鼓以下舊禮令無景德二年詔王欽若脩飾唐儀衛志

文開寶定禮所增道匠一人行漏舉正道匠一人刻漏生四

至道皇太子金輅

皇太子車輅唐制三等至道元年九月二十七日皇太

子真宗謁太廟乘金輅常朝則乘馬天禧二年九月十四

日皇太子仁宗朝謁太廟乘金輅設仗如儀政和中以雷

文一角螭代龍飾太子言不敢當盛儀止依常儀乘馬

乾道元年八月

十四日

七年二月

十一日

皆控免乘金輅設

仗九年七月

二十三日

詔大禮從祀乘金輅太子亦辭之

政和三年四月

二十九日

議禮局上皇太子車輅之制金輅

輅車四望車

端拱耕車

耕根車

端拱元年耕藉有司議乘玉輅以耕車載耒耜先驅又請載於象輅以重其事明道二年制如玉輅而無飾駕士服繡鳳銜嘉禾 紹興十五年詔來春親耕閏十一

月二十三日禮官言端拱親耕以耕根車載耒耜耕藉使不乘車從之侍中奉耒耜載于耕根車耕藉使乘騎從行於仗內

祥符王公車輅

實錄祥符四年七月二十九日庚子先是知密院王欽

若言王公車輅用龍飾請改製

景德二年十二月癸卯王欽若請依六典令式

別制王公已下車駕

從之命禮院詳定太常禮院言准鹵簿令王

公以下象輅以象飾諸末朱班輪八鑾在衡左建旂右

載闌戟革輅以革飾左建旃木輅飾以漆輅車曲壁青
幃碧裏諸輅皆朱質朱蓋朱旂旌一品九旒二品八旒
三品七旒四品六旒其鞶纓就數皆如之望付太僕寺
修製從之 志親王一品二品奉使給革輅制如乘輿
之副惟改龍飾為螭六引內三品以下乘革車赤質制
如進賢車駕赤馬四繡文司徒以瑞馬京牧以隼御史
大夫以獬豸兵部尚書以虎太常卿以鳳縣令乘輅車
黑質 元豐二年七月講求車旂旂物制度元祐七年

十月太常言按開元禮義羅大駕八角紫繖王公以下四角青繖今鹵簿圖但引紫繖乞改用青政和三年四月議禮局上王公車輅制并鹵簿制

天聖指南車

周司南輶車

見上

歷代指南車

三朝志指南車一曰司南車赤質兩箱畫青龍白虎四面畫花鳥重臺闌鏤拱四角垂香囊上有仙人車雖轉而手常南指一轅鳳首駕四馬駕士舊十八人雍熙四年增為三十人

四朝志頂有五采飾
縷仙人一童子四

天聖五年十一月

壬寅

紀云壬寅復作指南車

直昭文館

一云定王府記室

燕肅請造指南

車其表云黃帝與蚩尤戰涿鹿蚩尤起大霧將士不知

所向帝遂作指南車又周成王時越裳氏重譯來獻使

者迷惑失道周公賜駟車以指南使大夫張窶送之周

年至國還以屬中車王出常為先導示服遠人而正四

方其後器法俱亡

以上見古今注

漢張衡魏馬鈞繼作屬世亂

離其器無傳宋武平長安嘗為此車而製不精順帝令

祖冲之復造之後魏太武帝使工人郭善明造彌年不

就又命扶風馬岳造之垂成而為善明鴆死其法遂絕

唐元和十五年十月早已興作官金公立

一作云亮立云凡三見此

及通鑑作立唐會要十年

以其車及記里鼓車上之憲宗閱於麟

德殿以備法駕歷五代至國朝不聞得其制者今創意

成之其法用獨轅車立木仙人於上引臂南指車雖轉

而手常指南又內侍盧道隆上所創記里鼓車其車獨

轅雙輪箱上為兩重上皆以其法下有司製之 皇祐

五年十月二十一日丙辰御延和殿召輔臣觀指南車

大觀元年内侍吳德仁始獻指南車記里鼓車之制天子宗祀大禮用之始廢天聖中燕肅盧道隆所製晉

志司南車一名指南車駕四馬其下制如樓三級四角

金龍銜羽葆刻木為仙人衣羽衣立車上車雖回運而

手常指南大駕出行為先啓之乘

南齊志四周廂上施屋畫輪駕牛記

里鼓車駕四馬形制如司南其中有木人執槌向鼓行

一里而打一槌

南齊志制如指南上施華蓋機皆在內

宋志指南車其

始周公作後漢張衡始復創造漢末其器不存義熙十

三年宋武帝平長安始得此車其制如鼓車設木人於車上舉手指南車雖回轉所指不移大駕鹵簿最先啟行此車機數不精雖曰指南多不審正回曲步驟猶須人功正之范陽祖冲之有巧思謂宜更造 隋志指南

車出為先啟之乘漢初置俞兒騎並為前驅左太冲賦

曰

吳都賦

俞騎騁路指南司方後廢其騎而存其車

崔豹古今

注通典注車法具在尚方故事其制未詳

樂臺注唐

鬼谷子曰肅慎還周公作或曰管仲作又黃帝內傳

志天子有屬車十乘一曰指南行幸陳于鹵簿則分前

後大朝會則分左右

詳見唐屬車十乘

志林黃帝戰涿鹿蚩

尤作大霧彌三日將士昏迷人皆惑帝令風后法斗機

作指南車以別四方

通典

宋志同

魏明帝青龍中令博

士馬鈞再造車上有木仙人手掌指南車箱回轉所指

微差晉亂復亡石虎使解飛姚興使令狐生又造

崔鴻後趙

錄曰尚方令解飛機巧若神妙思奇發造指南車賜

晉

義熙十三年劉裕平長安始得此車於姚興外有形而

無機杼每行使人自轉之

義熙五年屠廣固獲指南使工人張綱補緝

宋順

帝昇明末齊高帝輔政使祖冲之追修古法冲之改造

銅機圓轉不窮而司方如一馬鈞以來未之有也車成

使王僧虔劉休試之其制甚精百屈千回未嘗移變齊

因宋制加飾四周箱上施木

木字一作屋

指南人衣裙襦天

衣在箱中上四角皆施龍子千懸雜色真孔雀毼布皂

複幔駕牛皆銅鉸飾

唐六典亦云如前

宣和鹵簿記唐初指

南車有其名而車破壞將作大匠楊務廉性巧奉勅改

作終不能至開元中衛普善造車令直少府監元和中

巧工金忠義作指南車記里鼓憲宗於麟德殿觀之

征迷

記云去端門百餘步道南得尚方北門中有指南車上有木仙人持信幡車雖東西手常指南唐元和中作指南與記里車憲宗閱之麟德殿五代至國朝皆車中令人運轉

天聖記里鼓車 大章車

三朝志記里鼓車一名大章車赤質四面畫花鳥重闌鏤拱一轅鳳首

駕四馬駕士舊十八人
雍熙四年增為三十人

行一里則上層

木人擊鼓十里則次層木人擊鐺天聖五年十一月內侍盧道隆初記里鼓車其車獨轅雙輪箱上為兩重刻

木人手執木槌輪一周而行地三步其中平輪轉一周車行一里下一層木人擊鼓上平輪轉一周車行十里上一層木人擊鐺凡用大小輪八合二百八十五齒遞相鈎鎖犬牙相制周而復始

四朝志銅鉦畫鼓各一大觀元年吳德仁獻其制

燕肅傳嘗造指南記里鼓二車及歌器以獻又上蓮花漏法 黃帝內傳曰玄女為帝制司南車當其前記里鼓居其右崔豹古今注曰大章車所以記道里起於西京亦曰記里車車上為二層皆有木人行一里下層

擊鼓行十里上層擊鐺尚方故事有作車法然則自黃
帝造之非兩漢所作也漢甘泉鹵簿晉中朝大駕有之並
駕四漢曰記道車晉滅後秦獲之形如指南車 宋志
記里車未詳所由來亦高祖定三秦所獲制如指南其
上有鼓車行一里木人輒擊一槌大駕鹵簿以次指南
文苑英華張彥振指南車賦北斗在天司南在地局
關脉湊衡樞星設帝容順動王途允泰備屬車引行旆
候薰風而進指仰卿雲而垂蓋援枹鼓於天街動輓軌

於霜仗候之節步先以啓行節六鼓以翼駭首五路而
鱗次張衡應間曰參輪可使自轉木彫猶能獨飛

明道六車

志皇后之車唐六等皇朝鹵簿唯用厭翟車常出用副
金塗銀裝白藤輿上覆椽屋飾以鳳輦咸平中萬安太
后輿上設行龍六明道元年十二月辛丑詔有司製
重翟等六車

以皇后
將謁廟

紹興十三年皇后受冊乘龍飾

肩輿至穆清殿

乾興元年九月二十三日禮儀院言皇太后檐子依式製造詔名大安輦

宣仁謙恭不
豫大安輦

元豐八年六月十二日

詔皇太后乘輿上設行龍六紹聖元年十月六日禮官言皇太后坐六龍輿皇太妃輿上設行龍五又再詳定進皇太妃龍鳳輿政和三年四月二十九日議禮局上皇后車輿之制周禮疏上公侯伯夫人乘厭翟子男夫人乘翟車王之三夫人與三公夫人同乘翟車左傳夫人魚軒卿犀軒直蓋陳高涼洗氏繡幃油絡駟

馬安車 崔篆母文軒丹轂 富弼賈昌朝母賜銀飾
肩輿

明道天安殿閱車輅

元豐五輅

並見上

明道二年二月己亥御天安殿門

即大慶殿

閱太僕寺新製

車輅景祐五年七月丙午詔太常禮院詳定鹵簿儀物
未合典制者釐正之玉金路重加修飾唯二路旂戟有
金塗銀龍頭餘則否既成八月庚辰親閱於大慶殿門
慶歷七年將郊祀正月辛卯御大慶殿門閱新作金玉

輅皇祐二年大享明堂詔試二輅云云元豐四年十一月己丑禮文所依周禮增製五輅

詳見上

皇祐小輦

二年五月八日禮院言明堂往回宮禁地近止乘常御小輦九月二十七日未明三刻服鞞袍乘小輦殿中繖扇侍衛至大次服袞冕執圭入自明堂中門至版位解嚴改服乘輦御紫宸殿百寮稱賀

元豐充庭車 政和大路大旂

元年十一月二十三日詳定儀注所言正旦朝會用黃
麾仗以車輅與輦充庭具圖以進詔車輅未設餘依所
請政和六年七月五日造大路如玉路之制唯不飾
以玉樊纓一就以尚質又製大旂十有二旒龍章而設
日月建於大路之上以象天四年十一月詔增修五輅
正副十乘制度始備舊自齋宮乘大輦越大次今改用
大路

紹興玉輅 五輅

十二年七月己酉

十八日

詔太常詳定車輅儀仗制度太

常請先造玉輅命工部尚書莫將等同內侍邵諤製造

八月三日將等言以天禧宣和鹵簿圖參攷制度酌文

質之中九月戊申

十八日

新玉輅成上御射殿臨軒令百

官觀之十月癸未詔車輅院復置官吏十三年正月己

亥親享太廟平旦上自宮乘玉輅祕書少監秦熺執綏

是年春遂作金象革木四輅及大安輦閏四月十六日

太常請依周禮各建所載之旗唯玉輅並建旂常玉輅

青飾左建太常十二旂右龍旂金輅黃飾建大旂九旂
象輅朱飾建大赤七旂革輅銀褐飾建大白六旂木輅
黑飾建大麾四旂玉輅高一丈九尺四輅各減五寸十
一月己未朝饗太廟禮畢上服通天絳紗乘玉輅齋于

青城庚申祀園丘鹵簿萬二千二百二十人應用文繡

者皆以纁代之初備五輅禮官以行在御街狹故自宮

祖廟不乘輅權以輦代之

戊午服袍履乘輦
詣景靈官朝獻

邵諤識

舊制姓名刻于玉輅上紹熙二年八月修玉輅更造四

輅

隆興平輦 七寶輦

元年七月二十三日製平輦及條衣褥郊祀禮畢用之

二年正月五日詔御輦院製七寶輦進德壽宮

如道君之制

有司言東都舊制輦飾以玉裙網用七寶上皇不肯重

費遂止先是紹興七年八月製造遙輦詔文思院務令

樸素九月二日臣僚請申飭攸司以崇儉之意 二年

二月八日禮官言郊祀止用玉輅四輅特一時觀美


禮經

玉輅以祀鄭氏釋曰王請權不以從詔四輅及大安輅
乘一輅餘從行以華國

並省自齋殿服履袍乘平輦還宮乾道六年九月一復

日詔

用五輅大安輦如舊儀玉輅有執綏官備顧問有牌
篆玉輅二字以玉為之文德殿發冊尚輦陳大輦於
西階下東向隆興元年權不陳設



玉海卷七十九